

1267  
1692  
JACOBI ROHAULTI  
Philosophi Galli

DE

ARTE MECHANICA  
Tractatus Mathematicus

E Gallico Sermone Latinè factus.



LONDINI:

Impensis *Abelis Swalle & Timothei Child*, ad  
Insigne Unicornis in Cœmeterio D. Pauli. 1692.

JACOBI ROHAEU

Philosophi Galli

ASTRONOMICA

Tractatus Astronomicus

Tractatus Astronomicus





---

Clarissimo viro D.  
D. JOSEPHO RAPHSONIO,  
Regiæ Societatis Consorti dignissimo.

**S**I Rohaldus ipse amici nomen opusculo suo præfigere voluisset, vix equidem crediderim digniorem deligere potuisse. Te enim vel Mathematicum natum censebit, qui te, paulò post vigesimum annum, novam *Æquationum Analysin* proposuisse, & hætenus insoluta Algebraïces Problemata enodasse audierit: imò in abstrusissima quæque cùm Matheseos tùm Philosophiæ mysteria penetrasse. Et hæc quidem rara, sed ego, cui te familiaris uti feliciter contigit, rariora adhuc novi; nempe cum tantis animi dotibus ne minimum quidem insuperbis; nec nos scientiarum pueros aspernaris. Quæ tua affabilitas in causâ fuit, cur tanto viro hanc Interpretationem dicarem. Vale & me amare perge.

## Præfatio Interpretis.

**S**upervacaneum foret multa de Mechanicarum usu differere, cum id vel ipsos qui primis labiis Mathematicas Disciplinas degustârunt, minimè lateat. Satis tamen mirari nequeo, ab unico principio, eoque admodum simplici, inventione scilicet centri gravitatis corporum, consequentias omnes tum Statices, tum variarum artium, imò & Machinas propemodum infinitas ortum duxisse. Hæc tibi ROHALDUS noster demonstrabit, cujus tractatus, quamquam brevissimæ molis, auro contrà charior esset, si in veteri membranâ descriptus Archimedi, Theoni vel cuidam alii ex antiquorum Mathematicorum grege, tribueretur.

Sed hæc per transennam dicta sunt. Pauca alia sunt quæ te, benigne lector, scire juvabit. 1. Tractatum hunc ex operibus Auctoris nostri posthumis desumptum fuisse, quæ quidem pleraque alia continent, verum hoc tanquam longè utilissimum, speciminis vice, elegimus. 2. Ad interpretationem nostram quod attinet, nos cum Auctore nostro de elegantia noluisse certare, de styli perspicuitate tantùm solliciti. Ille enim vernacula suâ, quam cum naturâ tùm longo usu apprimè callebat, scripsit, nos verò Romanâ, quæ non nisi arte discitur.

SCIENTIÆ

---

# SCIENTIÆ MECHANICÆ TRACTATUS.

---

## DEFINITIONES.

1. **G**ravitas absoluta Corporis in Medio liquido positi, est vis quâ Corpus illud deorsum fertur, cum nullâ aliâ re nisi partibus ejusdem Medii continetur.

Sic, gravitas absoluta Lapidis in Aëre, est vis ejus descendendi cum partes Aëris solummodò tangit.

2. Gravitas relativa Corporis est vis quâ Corpus movetur ac deorsum fertur ubi partes aliûs tangit, nec planè à Medio liquido circumcingitur; Verbi gratiâ, gravitas relativa Corporis super Plano inclinato est vis ejus descendendi ac movendi secundum Planum.

3. Centrum magnitudinis Corporis est Punctum ab ejus extremis, æqualiter quantum fieri potest remotum.

4. Centrum Motûs Corporis seu Punctum fixum, est Punctum quo Corpus sisti & circa quod moveri potest.

5. Centrum gravitatis Corporis, est Punctum circa quod ejus partes ità disponuntur ac librantur, ut Corpore hoc puncto suspensò & in quovis situ posito,

B

partes

partes ad utrumque latus æqualiter ponderent, earumque descensum mutuò impedian.

6. Quodcunque suspendit aut movet Corpus, Potentia aut vis movens vocatur.

7. Quantitas Potentiæ ex quantitate gravitatis Corporis suspensi vel moti determinatur:

*Fig. 1.* Verbi gratiâ, si Corpus A deorsum feratur secundum lineam B C vi decem librarum, potentia quæ descensum ejus sistit, sive illud simpliciter suspendat, sive idem impellat aut trahat ex C versus B, vocabitur Potentia decem Librarum; ideoque Potentia dupla vel tripla aliâ dicitur, cum Corpus duplum aut triplum altero suspendit.

8. Quodcunque Motum Corporis ciere aut sistere poteſt, Machina vocatur.

Machinæ duplicis sunt generis; aliæ simplices, aliæ compositæ. Inter Machinas simplices, sex vulgò numerantur; scilicet *Libra*, *Vectis*, *Trochlea*, *Rota cum Axe*, *Cuneus*, & *Cochlea*; quibus *Planum inclinatum* addi potest, cum certum sit Corpora gravissima hujus ope sursum ferri, quæ aliàs vix moveri possent. Machinæ vero compositæ innumerabiles sunt, cum ex simplicibus infinitis propè modis componi possint.

9. Applicatio Ponderis aut Potentiæ vecti est *Angulus Lineæ directionis* huius Ponderis aut Potentiæ cum Vecti.

10. *Distantia Potentiæ aut Ponderis* est spatium à Puncto Machinæ cui Potentia aut Pondus applicatur, usque ad centrum motûs.

11. *Mechanice* est *Scientia effectuum Potentiarum aut virium moventium* quatenus Machinis apponuntur.

### S C H O L I U M.

Quemadmodum in Geometricis, Linea & superficies omnimodâ ideali perfectione præditæ supponuntur

nuntur, sic in Mechanicis Machinæ five simplices five compositæ, tam aptè & concinnè supponi debent, quam à Mente percipi possunt. Ideoque, cùm in posterum de Librà sermo erit, Lineam rectissimam sine ullâ gravitate aut flexibilitate, cujus cardinis partes sint extremæ aliûs rectæ æquè inflexibilis & levis, quæ priorem Angulis rectis fecet, concipias necesse est. Non secus ac, ubi de Trochleâ loquimur, ea planè rotunda, & axe absque ulla crassitie permeata, concipienda est. Nec magis de densitate aut rigiditate Chordarum cæterorumque instrumentorum cogitabis. Et quamvis non dentur Machinæ tam perfectæ, nullo tamen vitio laborari, censendæ sunt, quousque defectûs animadvertantur.

### P O S T U L A T A.

1. Corpora gravia ad Terræ centrum rectis feruntur lineis, quæ pro parallelis haberi possunt.

2. Potentia, quæ cum Corpore angulum rectum constituit, fortior est quam si obliquè apponeretur, Verbi gratiâ. Esto AB vectis cujus Punctum fixum sit C, & Punctum B locus cui Potentia apponitur: si Linea directionis hujusce Potentiæ sit recta BD vecti perhëndicularis; nullo negotio percipitur eam majus pondus puncto A appensum suspendere aut attollere posse; quam si lineis BE aut BF, quæ angulos obliquos cum vecti constituunt, operaretur. Fig. 2.

### A X I O M A T A.

1. Corporum gravium, regularium & homogeneorum, quorum partes æquè graves & ad libellam positæ sunt, Centrum magnitudinis est centrum gravitatis. Verbi gratiâ sit punctum C Centrum magnitudinis Trabis A B, Fig. 3.  
B 2
cujus



cujus partes æquè solidæ & graves & ad libellam positæ supponuntur, ita ut ejus longitudo  $AB$  parallela sit superficiei Terræ: Punctum illud Centrum gravitatis erit.

2. Variæ Corporum homogeneorum gravitates inter se se habent, ut eorum moles. Verb. gr. Si digitus Plumbi cubicus sit unius Pondo, dupla ejus moles duorum erit.

3 Vis quæ Punctum corporis gravis suspendit, non minùs omnia alia puncta rectæ per Punctum illud & Terræ Centrum transeuntis suspen-

*Fig. 4.* dit. Ver. gr. Si linea  $AB$  corpus  $C$  secans continuaretur, donec per centrum Terræ transiret; vis quæ Punctum  $A$  aut  $B$  suspenderet, puncta omnia rectæ  $AB$  etiam suspenderet.

#### COROLLARIUM 1.

Inde patet, quòd si Centrum gravitatis Corporis  $C$  esset in Lineâ  $AB$ , corpus illud absque motu, & in æquilibrio per Punctum  $A$  aut Punctum  $B$ , suspenderetur.

#### COROLLARIUM 2.

Inde etiam liquet, quòd si Centrum gravitatis non sit in lineâ  $AB$  per centrum Terræ transeuntis & corpus  $C$  ab aliquo ejus puncto  $A$  aut  $B$  suspendatur, moveri & inclinari debet versùs  $A$  &  $B$ , ubi est centrum gravitatis. Nam si per Centrum gravitatis  $B$  ducatur linea  $GDH$  versùs Centrum Terræ; Pars  $GEH$  æquâ vi deorsum fertur ac pars  $GFH$ , sed pars  $AEB$  majori vi deorsum fertur quam  $GEH$ , ergo etiam quam  $GFH$ , & multò magis quam  $AFB$ .

4. Pondus aut vis, Punctum quoddam impellens aut trahens, omnia alia puncta lineæ

*Fig. 6.* suæ directionis simul trahit aut pellit. Ex. Ca.



**Ca.** Si vis aut Pondus Puncto B appositum illud impellat aut trahat, ita ut Lineam directionis BC constituat ; quæcunque puncta in rectâ BC occurrunt, ab eodem pondere aut vi unâ impellentur.

### C O R O L L A R I U M.

Idcirco effectus Potentiæ non mutabitur, si lineâ directionis immutatâ remanente ad aliud Punctum ejusdem lineæ transferatur. v. g. *Fig. 7.* Si Planum ABCD circa Punctum fixum E gyrari nitatur, propter Pondus F Puncto G appensum ; & vi quâdam in H positâ impediatur, cujus vis recta AI sit linea directionis : Gyros Plani vis eadem coercebit, cuicunque Puncto Rectæ HI apponatur.

### S C H O L I U M.

Hoc posito, non magis difficile est effectum potentiæ angulos obliquos constituentis determinare, quàm potentiæ quæ angulis rectis agit ; facili enim negotio mutatur locus prioris hujus potentiæ & puncto lineæ directionis apponitur, in quodâ puncto fixo perpendicularis cadit : deindè hac perpendiculari pro distantia notâ utendum est. Ita, hæc potentia cogitanda non est in puncto H esse positam, neque recta EH pro ejus distantia accipienda est : sed puncto L, ubi incidit Recta EL, perpendicularis Lineæ directionis AI, appositam esse concipi, & perpendicularis EL pro distantia accipi debet.

5. Si Potentia, cujus Linea directionis sit in superficie Planâ, circa punctum fixum illam movere nitatur, quælibet partium superficiiei impressionem Potentiæ ita recipiet, ut omnes partes circumferentiæ Circuli, cujus Centrum idem Punctum fixum est, vi æquali circa illud moveri nitantur. Ve. gr. Si Potentia Puncto A apposita, cujus Linea directionis

fit A D, superficiem B C D E circa Punctum fixum F movere conetur ; manifestò liquet omnia  
*Fig. 8.* Puncta Circumferentiæ A G H, cujus centrum est F, vi æquali circa hoc punctum ad sese movendum niti. Idem dicendum de omnibus punctis circumferentiæ I L M, & cujuslibet aliûs quæ punctum F pro centro haberet.

### C O R O L L A R I U M.

Effectus Potentiæ non mutabitur, si cuicunque alii puncto circumferentiæ circuli circa centrum mobilis apponatur. Ex. Ca. Estò circulus A B C perpendicularis horizonti, & mobilis circa centrum E, & puncto A apponatur potentia, cujus linea directionis sit Tangens A F, suspendeatque pondus à puncto C circumferentiæ pendens. Hæc eadem potentia, puncto B apposita, idem pondus K suspendet, modò Tangens B G sit ejus linea directionis.

### S C H O L I U M 1.

Quod verum est in circulo continuo, verum etiam est in circulo quocunque modo interrupto, dum partes reliquæ ita arctæ & inflexibiles sunt, ut altera moveri nequeat, quin & aliæ, ac si circulus esset integer, moveantur. Ver.gr. Si circulus  
*Fig. 10.* A B C D ita abscindatur, ut partes quæ supersunt, quæque Radiorum æqualium intra Modiolum defixorum formam referunt, omnino inflexibiles sint : & si potentia, alterutrius Radii extremo apposita, ad suspendendum pondus K extremo alterius Radii appensum sufficiat, hæc eadem potentia, cuilibet alii Radio apposita, eundem sortietur effectum, modò eadem ratione apponatur ; hoc est, si potentia primâ vice puncto A apposita, pro

pro lineâ directionis habeat Tangentem AF, quando iterum punctis B, C, D, apponitur, pro lineâ directionis Tangentes BG, GH, aut DI, habebit.

### SCHOLIUM 2.

In Schemate præcedenti clarè patet omnes radios, præter eos quibus potentia & pondus apposita sunt, inutiles esse, & effectum potentia *Fig. 11.* nequaquam mutante, abscindi posse. Ita, resecando hujus Machinae inutilia, quando potentia in A concipietur, Recta tantum AEC, quæ purus vectis est, supererit.

Item, quando in B concipietur potentia, restabit tantum BEC, quod pro vecti incurvato, cujus ope vis illa eundem producet effectum, accipi potest.

Et cum potentia in D concipietur, reliquum erit DEC, quod vectim alio modo incurvatum, cujus ope eundem effectum potentia *Fig. 12.* operabitur, repræsentat.

6. Si Potentia Machinae apposita, pondus unum solummodo sustinere potest, illud, quantulcunque vi additâ, movere & sursum ferre poterit.

7. Si gravitas tota in omnibus corporis partibus diffusa illud movere potest, hæc eadem gravitas in centro gravitatis coadunata illud *Fig. 13.* etiam, ut prius, movere poterit. Ita, si tota gravitas partium corporis ABC, in puncto P, quod ejus centrum gravitatis supponitur, congregata esset, eadem vi acantea corpus illud movere posset. *Fig. 14.*

### COROLLARIUM 1.

Inde sequitur, quòd si corpus, ABC, quod decem pondo gravitatis in omnibus suis partibus diffusæ habere supponitur, alicujus effectus sit capax,

eundem effectum producere poterit, quamvis tota  
 sua gravitas dempta supponatur, modò illius  
*Fig. 15.* loco, pondus decem pondo ut D, à puncto  
 B centro gravitatis istius corporis pendeat,  
 & hanc gravitatem in centro coadunet.

### C O R O L L A R I U M 2.

Inde etiam sequitur, quòd si corpus regulare, ut  
 ABC nullam gravitatem habens, cujus centro  
 pondus decem pondo appenditur, effectum quem-  
 dam producere possit: ejusdem effectus capax erit,  
 si ablato pondere, in totam corporis extensionem  
 æqualiter decem pondo distribuatur.

---

### PROPOSITIO

## PROPOSITIO I.

*Si duo Pondera extremis libræ horizontalis apposita, inter se sint in ratione suarum distantiarum reciproca, erunt in æquilibrio.*

**S**INT Pondera D & E apposita extremis libræ horizontalis AB, & inter se in ratione reciproca suarum distantiarum *Fig. 16.* AB, AC; hoc est, D sit ad E, ut BC ad AC. Dico hæc Pondera esse in æquilibrio.

Nam, seca lineam AB in puncto F, ita ut AF sit æqualis BC, ac per consequens FB æqualis AC. Deinde productâ AB utrinque, donec AG æqualis sit AF, & BH, FB; aufer cogitatione Pondera D & E, & gravitas Ponderis D tribuatur Magnitudini GF, & pariter gravitas Ponderis E detur Magnitudini FH.

Quoniam, ex hypothesi Pondus D est ad Pondus E, ut BC ad AC, & ex constructione, BC ad AC, ut AF ad FB; prætereaque AF est ad FB, ut dupla GF est ad duplam FH: sequitur, Pondus D esse ad Pondus E, ut GF ad FH. Ideoque permutando, gravitas ponderis D est ad GF, ut gravitas ponderis E ad FH. Ita ut gravitas ponderum D & E, quæ GF & FH tribuitur, totam GH in omnibus suis partibus æqualiter gravem efficiat, & pro Magnitudine regulari & homogeneâ accipi debeat. Præterea, quoniam GA æquatur AF, aut BC æquali, & AC æquatur FB aut BH æquali; sequitur quod si æqualibus GA, CB, æquales addantur magnitudines AC, BA, Lineæ GC, CA, inter se æquales erunt; ac ideo, Punctum C, æqualiter dividens GH, est illius centrum Magnitudinis. Et quia Magnitudo hæc regularis



gularis est & homogœnea, idem Punctum C est etiam centrum gravitatis, per 1. Axioma; ita ut circa hoc Punctum C Magnitudo GH in æquilibrio maneat: Sed per 1. Coroll. 7. Axiomatis, pondera centris Magnitudinis appensa, in corporea agunt ut eorum gravitates; demptâ igitur à Magnitudinibus GF, GH gravitate illis tributâ, & earum centris unde primum pendebant, ponderibus D & E iterum appensis, in æquilibrio erunt. Ac per consequens si duo Pondera extremis Libræ horizontalis apposita, inter se sint in ratione suarum distantiarum reciproâ, erunt in æquilibrio. Quod erat demonstrandum.

### C O R O L L A R I U M.

Exinde liquidò patet, quòd si Pondera D & E essent æqualia, similiterque distantie BC, AC, æquales essent, in æquilibrio manerent Pondera.

### P R O P. II.

*Si duorum Ponderum extremis libræ horizontalis appositorum, primum majorem habeat rationem ad secundum, quàm distantia secundi ad distantiam primi, non erunt in æquilibrio, libraque versùs primum verget.*

Fig. 17 **D**UO Pondera D & E apposita sint extremis libræ horizontalis, cujus Punctum fixum sit C; & Pondus D majorem habeat rationem ad Pondus E, quàm distantia BC ad distantiam AC: Dico libram versùs D proclinatori.

Nam, sit Pondus F ad Pondus E in ratione distantie BC ad distantiam AC. Quandoquidem ratio distantiarum ratione Ponderis D ad Pondus E minor est, necesse est ut ratio Ponderis F ad Pondus E, minor sit ratione Ponderis D ad idem Pondus E; ideoque



ideoque Pondus F pondere D minus erit. Cùm autem pondus F sit ad pondus E, ut BC ad AC; si loco ponderis D ponatur pondus F, per 1. Prop. pondus E sustinebit. Relicto igitur pondere D, quod pondere F gravius est, sequitur, per 6 Axioma, Libram versùs D proclinatorum iri. Ac per consequens si duo pondera, &c.

## C O R O L.

Hinc facilè concludere est, quòd si duo pondera extremis libræ apposita, sint in æquilibrio, erunt quoque in ratione reciproca suarum distantiarum. Aliàs enim per hanc propositionem, Libra versùs illud quod majorem haberet rationem vergeret: quod contra hypothesin.

## P R O P. III.

*Si duo Pondera extremis Libræ inclinatæ ad Horizontem apposita, sint in ratione suarum distantiarum reciproca, in æquilibrio manebunt.*

**P**ondera D & E, quæ extremis Libræ AB Fig. 18 inclinatæ ad horizontem apponuntur, sint in ratione reciproca suarum distantiarum, hoc est, D sit ad E, ut BC ad AC: Dico illa in æquilibrio manere.

Nam, per Libram AB transeat Planum Horizonti perpendiculare, & super illud planum transeat per punctum C linea horizontalis FG: Deinde producantur Lineæ AD, BE, occurrentes rectæ FG, punctis F & G.

Quoniam Linea FG est Horizontalis, sequitur perpendicularem esse Lineæ DF & BG, quæ per 1. Postul. parallelæ habentur, cùm sint Lineæ directionis ponderum D & E versùs centrum terræ;  
&

& consequenter pondera, perpendiculariter supra punctis F, G, Libræ Horizontalis FG, ponderare. Præterea, quia Anguli FCA & GCB, ad verticem oppositi, & Anguli alterni FAC & GBC inter se æquales sunt; sequitur Triangula ACF, & GCB similia esse: ideoque GC est ad FC, ut BC ad AC. Sed BC est ad AC, ut D ad E. Ergo GC est ad FC, ut Pondus D ad Pondus E. Idcirco pondera, per 1. Prop. in æquilibrio super libra FG manere debent. Sed per Corol. 4. Axiom. Pondera D & E non aliter agunt in libram inclinatam AB quàm in horizontalem FG, igitur etiam super librâ AB in æquilibrio manebunt. Quod erat demonstrandum. Ac per consequens, si duo pondera, &c.

## C O R O L.

Hinc patet Punctum C, Libram AD ita secans ut illius partes sint in ratione Ponderum ab ejus extremis pendentium reciproca, centrum esse gravitatis eorundem Ponderum simul sumptorum.

## S C H O L I U M.

Hic notandum est hæc tantum sequi ex Hypothesi quæ 1. postulato nititur, nimirum quod lineæ directionis Ponderum sint parallelæ. Siquidem exindè pendet demonstratio similitudinis Triangulorum ACF, BCG: sed quia ex hypothesi tantum, non reipsâ, parallelæ sunt, centrum gravitatis Libræ AB etiamnum quærendum est, per Lineas directionis Ponderum D & E tanquam ad centrum Terræ protractas.

Hanc difficultatem, in Librâ cujus ab extremis æqualia Pondera pendent, Guido Ubalde examinat, asseritque Punctum libram quocunque modo sitam, bifariam secans centrum esse gravitatis.  
Aliàs

Aliàs enim, inquit ille, Corpus plura gravitatis Puneta habere posset, quod fieri nequit.

Verum hæc omnia nihil probant, siquidem, corpus unum solummodo gravitatis centrum habere, est ipsa Quæstio de quâ disputatur.

Guido-Ubalde hallucinatione notatur à Taglia, qui Libram, ut AB, à cujus extremis pendent Pondera æqualia, & per distantias æquales AC, CB, trahentia, sive Lineæ directionis Ponderum parallelæ sint, sive ad centrum Terræ perveniant; eam, inquam, asserit in æquilibrio quiescere debere, cum horizonti parallela est: inclinato autem alterutro Brachio v. g. AC, non sistere Brachium, sed ascendere sursum, donec Libra Horizonti parallela sit. Ratio allata est, quia Pondera Libræ apposita, non nisi circumferentiam circuli describendo moveri possunt. Partes autem hujus circumferentiæ sicut Plana inclinata ab illo considerantur, & ita Arcus DG quem Pondus D descendendo describit, similiter, Arcus EB per quem Pondus E descendit, juxta illum, sunt inclinata Plana. Cum autem Corpus grave majori vi super Planum alio proclivius moveatur, sequitur, Pondus E descensum ire, & illius vi Pondus D ascensurum; siquidem proclivitas Arcus EB major est proclivitate Arcus DG.

Sed ad demonstrandum hujus argumenti falsitatem, invertatur argumentum, & contrarium planè concludetur hoc modo. Pondus illud ascendere debet, quod per Planum altero proclivius, ascendere cogitur. Sed Pondus E per Planum EF, Plano DA, per quod Pondus D ascendit proclivius, ascendere cogitur, ergo Pondus E ascendere & Pondus D descendere debet.

Harum argumentationum vitium ex eo pendet quòd in utrâque mediâ pars duntaxat eorum quæ consideranda essent animadvertatur; sic, in priori  
Pondus

Pondus illud, in quo major est vis descendendi, consideratur tantum, nullâ attentione factâ ad vires utriusque ascensui resistentes: in posteriori verò, Ponderum vires ascensum plus minusve sistentes solummodo considerantur, eorum descendendi viribus non animadversis. Quis ergo mirabitur hæc argumenta non concludere, & tum Tartaglia, tum Guido Ubalde hallucinatos. Verum hæc difficultas in Propositione sequenti explanabitur.

#### P R O P. IV.

*Si ab extremis Libræ Horizontalis pendeant Pondera æqualia, per distantias æquales trahentia, & ad centrum Terræ per Lineas directionis, erga se invicem vergentes tendentia, manebunt in æquilibrio, sed si tantisper, alterutrum libræ brachium inclinetur, Pondus illi affixum descendet, donec Libra perpendicularis sit Horizonti.*

Fig. 20 **P**Endeant ab extremis Libræ ACB Pondera æqualia D & E, per distantias æquales AC, BC trahentia; eorum lineæ directionis AF, BF, ad centrum Terræ F perveniant. Dico primum, quòd si libra parallela sit horizonti, ideoque perpendicularis Lineæ CF, in æquilibrio manebit.

A puncto C ducantur Lineæ CG, CH, perpendiculares AF & BF. Quoniam, Triangulorum ACF & BCF, duo latera AC, CF æquantur lateribus BC, CF, & Angulus Rectus ACF æquatur Angulo Recto BCF; Angulus CFA erit æqualis CFB. Præterea, Triangulorum CFG & CFH Anguli CFG, & CGF, æquantur Angulis CFH & CHF, & latus CF commune est. Ergo latus CG æquatur lateri CH. Unde sequitur, quòd si Pondera D & E apposita essent punctis G & H, quia traherent per distantias æquales, essentque in  
ratione

ratione suarum distantiarum reciproca, manerent in æquilibrio. Sed per Corol. 4. Axiom. Pondera D & E non aliter agunt in Libram ACB quam in Libram GCH; igitur super Librâ ACB erunt etiam in æquilibrio.

Dico secundò, quòd si tantisper alterutrum Libræ latus inclinetur, Pondus ei appensum descendere perget, donec Libra perpendicularis sit horizonti.

Producatur versùs G linea AF, deinde à Puncto fixo C, describantur Rectæ CG, CH perpendiculares Lineis directioni, AF, BF. Postea, per punctum F ducatur Linea FI, bifecans Angulum AFB:

Tunc BI erit ad IA, ut BF ad AF. At BF *Fig. 21.* major est AF, ergo BI major etiam erit IA;

& ideo Punctum I cadet inter Punctum A & Punctum G bifecans AB. Item ex Puncto I Lineæ IL, IM, perpendiculares Lineis AF, BF, ducantur.

Quoniam Triangulorum FIL & FIM, Anguli ILF & IFL æquales sunt Angulis IMF & IFM; Latusque FI commune est, Lineæ IM & IL æquales sunt. Præterea, quia Triangulorum GAC & LAI Anguli AGC, ALI Recti sunt, & Angulus in A communis, hæc Triangula sunt æquiangula: Igitur GC est ad LI, ut CA ad IA. Sed CA major est IA, ergo GC major etiam erit IL, aut IM æquali. Porro, Triangula IBM, & CBH, Angulos BMI, & BHC rectos habentia, & Angulum in Puncto B communem, æquiangula sunt. Idcirco IM est ad CH, ut MB ad HB. At MB major est HB; ergo IM major etiam erit CH. Sed GC major est IM, ergo à fortiori major etiam est CH. Ideoque ratio Ponderis D ad Pondus E major est ratione CH ad CG. Undè sequitur, quòd Pondere D in G, & Pondere E in H appositis, Libra GCH in æquilibrio stare non debeat, sed versùs Pondus D propendere. At, per Corol. 4. Axiom. Pondera D & E eundem effectum in Libram ACB ac in Libram GCH produ-



producere debent, & consequenter illam versùs Pondus D pellere. Quod erat demonstrandum. Ideoque si ab extremis, &c.

## S C H O L. 1.

Libra ACB, hîc adeo inclinata est, ut Angulus CAF sit obtusus, sed ita inclinari posset, ut iste Angulus esset acutus aut saltem rectus. In priori casu, perpendiculares CG, IL, inter A & F, caderent, & in posteriori, cum CA & IA, coinciderent; sed in utroque Pondus D per distantiam perpendicularem, majorem distantiam ponderis E traheret. Ideoque vis descendendi ponderis D major esset vi resistendi ponderis E.

## S C H O L. 2.

Neque experientiâ vulgari, errorem *Guido-Ubalde* aut *Tartagliæ* demonstrari sperandum est. Siquidem uti supra notavimus, Lineæ directionis ponderum ferè parallele sunt, & ad alterutrum inclinantur tantum quantitate Anguli quem in Terræ centrum faciunt; quæ cum minima sit, distantia per quam pondus demissum trahit, non multo major est ea per quam trahit alterum pondus. Præterea cum attritus Cardinum Libræ optimæ, motum valde minuat; sequitur, causam, quæ Libram deorsum pellit, debiliorem esse illâ quæ eandem in æquilibrio permanere cogit.

Si quis tamen experientiâ nosse cupiat, utrum Anguli Linearum directionis satis aperti sint, &  
*Fig. 22.* Libra à Centro Terræ non multum distet; contra Murum Horizonti perpendicularem, Libram apponat, ita ut Muro parallela sint hasta & scapus; Tunc appensis Ponderibus D & E duorum satis magnæ amplitudinis funiculorum extremis, iidem quodam modo coarctentur, transeuntes scilicet supra Trochleas



Trochleas N & O dispositas ut in Schemate demonstratur. Siquidem, hoc pacto, Pondera, quasi ad Punctum F tendentia, sive tanquam Punctum F, à quo Libra non multum distat, esset centrum Terræ, Extrema Libræ traheret: & ita Pondus D jamjam demissum descendere perget, & alterum ascendere coget.

# PROP. V.

*Si Libra, cujus centrum Motûs est supra Rectam à cujus extremis pendent Pondera æqualia per distantias æquales trahentia, parallela sit Horizonti, semper in eodem situ manebit. Quod si ab externâ causâ mutatur situs & inclinetur Libra, tandiu movebitur donec parallela sit Horizonti.*

**E**STO Libra AB secta æqualiter in puncto F, ubi perpendiculariter apponatur Linea inflexibilis FC. Esto etiam Punctum *Fig. 23.* C supra AB, Centrum motûs hujus Libræ, à cujus extremis pendeant Pondera æqualia D, E, per distantias æquales AF, BF, trahentia: dico primum, quod si AB parallela sit Horizonti, in eodem situ parallelo quiescet.

Quoniam AB secta est æqualiter in puncto F, sequitur, per *Coroll. 2. Prop. 3.* Centrum gravitatis, quantitatis ponderibus D & E compositæ esse illud Punctum F. Præterea quoniam AB parallela est Horizonti, & CF perpendicularis AB, sequitur, CF esse quoque perpendicularem Horizonti; sicque quantitas composita Ponderibus, Puncto C, suspenditur, non secus ac per Punctum F suspenderetur; quia Punctum C præcisè supra centrum gravitatis F constitutum est. Unde fit, juxta *1. Coroll. 3. Axiom.* ut Libra AB immota & Horizonti parallela, maneat quod erat demonstrandum.

C

Dico

Dico secundò, quòd, si ab externâ causâ mutetur situs Libræ & inclinetur, ita ut alterum illius extremum, alio magis demissum sit, in eundem situm non perget Libra, sed priorem Horizonti parallelum assumet.

*Fig. 24.* Nam Librâ sic inclinâtâ, Linea CF amplius non est perpendicularis Horizonti, disceditque à Rectâ CH, quæ ad centrum Terræ fertur; ideòque ubi Punctum C, centro gravitatis F respondebat cum Libra Horizonti parallela esset, nunc respondit Puncto G, quod inter F & A constituitur; idcirco Libra, puncto C ita suspenditur ac si per punctum G suspenderetur. Unde fit per 2 *Coroll.* 3 *Axiom.* Quantitatem compositam ponderibus D & E, id est, Libram AB, motum non omittere, sed descendere versùs GB, ubi est centrum gravitatis F. Quod erat demonstrandum ac per consequens, Si Libra, &c.

#### S C H O L I U M.

Licet consultò fortè nulla Libra, ut ea quæ modò descripta fuit, construatur; sapissime, tamen, sive ignorantia sive quacunque aliâ ratione, nonnullæ ejusdem proprietatis construuntur; ut quando operarii quatuor hisce *Fig. 25.* descriptis haud absimiles incogitanter faciunt: Nam in qualibet harum centrum motus C est super Rectâ per Puncta A & B, à quibus Pondera pendent, transeunte, in qua per consequens Centrum gravitatis inveniri debet. Verum hæc proprietas restituendi scilicet æquilibrium, magnum est in Libra vitium, quia vis quâ Pondus erectum descendit est adeo valida, ut, quamvis Pondus inferius paulò gravius superiori esset, scendi tamen cogeretur. Ideoque, nisi inter Pondus notabilis esset differentia, hujusce modi Libra maneret in æquilibrio.

PROP.

## P R O P. VI.

*Si Libra, cujus Centrum motus est infra Rectam & à cujus extremis æqualia Pondera per distantias æquales trahentia pendent, parallela sit Horizonti, eundem situm retinebit. Verum si tantisper inclinetur, Brachium quod deorsum movere inceperit tandiu movebitur donec Libra situm priori contrarium acquisiverit, & ejus Centrum gravitatis, sub ipso centro motus ponatur.*

**E**STO Libra A B, & Puncto F, illam bifecanti apponatur perpendiculariter Linea inflexibilis F C. Esto etiam Punctum C, *Fig. 26.* quod est infra A B, Centrum motus hujus Libræ, à cujus extremis pendeant Pondera æqualia D & E per distantias æquales A F, B F trahentia. Dico 1. Quod si A B parallela sit Horizonti in eodem situ parallelo quiescet.

Quandoquidem enim A B secta est æqualiter in F, sequitur per Coroll. 3. Prop. Punctum illud Centrum esse gravitatis Quantitatis compositæ Ponderibus D & E. Præterea quia A B parallela est Horizonti & C F perpendicularis A B, sequitur C F perpendicularem quoque Horizonti esse: ita ut Quantitas composita Ponderibus D & E, à Puncto C sustineatur non secus ac si suspenderetur à puncto F, quia Punctum C, super ipso centro gravitatis F, constituitur. Unde fit, ut juxta 1. Coroll. 3. Axiom. Libra A B immota, parallelaque Horizonti maneat, quod erat demonstrandum.

Dico 2. Quod si tantisper inclinetur Libra ita ut una extremitas alterâ demissior sit, eam deorsum moveri, donec situm priori omnino contrarium acquisiverit centrumque gravitatis sub ipsum centrum motus descendat. *Fig. 27.*

Nam Librâ sic inclinâtâ, Linea CF non amplius est perpendicularis Horizonti, & à Rectâ HC, ad centrum Terræ tendente, discedit. Unde fit ut Librâ, per hanc Lineam HC Puncto G quod est inter F & B, sectâ, hinc quasi per Punctum G suspensâ considerari debeat: Idcirco, per 2. Coroll. 3. *Axiom.* Libra moveri non desinet, sed statim versus A, unde Pondus demissum proclinabitur, & quousque Punctum F sub ipsum Punctum C descendat. Quod erat demonstrandum: Ac per consequens, si Libra, &c.

### SCHOLIUM.

Libræ magnæ quarum Centrum motûs, uti modo dictum fuit, hoc est sub ipso Centro gravitatis situm est, aliis, quarum centrum motûs desuper positum est, anteponendæ sunt. Nam quantulacunque sit gravitas Ponderum in Lance una major quàm in altera, lanx gravior proclinabitur: Siquidem magna hujusmodi Librarum movendi facilitas obstaculum quod attritus crassi cardines affert, facilius vincit. Interea tamen ut bene utamur hoc Librarum genere, Lances ad libellam ponendæ sunt manibusque sustinendæ, donec hasta sit parallela Horizonti. Aliàs enim, demissior Lanx alteram Lancem minus oneratam ad ascendendum cogeret, quia tunc non per Punctum Medium, sed per aliud, suspenderetur Libra.

PROP.



## P R O P. VII.

*Datis uno aut multis Ponderibus , & locis ubi apponuntur , in Libra cujus magnitudo nota est , reperire Punctum fixum circa quod in æquilibrio manebunt.*

**H**Æ C Propositio tres Casus habet.

1. Casus. Estò Libra A B, cujus magnitudo sit duodecim digitum, & ab illius extremis pendeant Pondera D & E, prius sex pondo *Fig. 28.* alterum verò trium. Quæritur Punctum fixum C circa quod Libra in æquilibrio quiescat.

Adde Pondera D & E in unum, summa erit novem; præterea sicut summa est ad Pondus E, nempe novem ad tria; ita Longitudo Libræ A B, sit ad partem A C. Dico Punctum C esse Punctum fixum circa quod D & E in æquilibrio manebunt.

Quoniam enim Pondus D & E simul sumpta, sunt ad E, sicut A B est ad A C, ita dividendo D est ad E ut B C ad A C. Ergo, per 1. Prop. Pondera D & E circa Punctum C, manebunt in æquilibrio.

2. Casus. Estò Libra A B cujus nota Magnitudo sit scilicet duodecim digitum, sed ubi hætenus nullam gravitatem Libris tribuerimus, hanc esse octo Pondo cogitemus, & Pondus E extremo B appensum quatuor. Quæritur Punctum C, circa quod libra in æquilibrio maneat.

Biseca Libram A B in Puncto F, hoc Punctum erit Centrum magnitudinis. Deinde, sicut summa gravitatis Libræ & Ponderis nempe 12. est ad gravitatem Ponderis E, scilicet 4. ita etiam, B F sit ad F C. Dico gravitatem Libræ per Punctum C suspensæ, cum gravitate Ponderis E in æquilibrio esse.

Quoniam enim Punctum F est Centrum magnitudinis Libræ AB, quam homogeneous, hoc est, æqualis crassitie & gravitatis in omnibus suis partibus esse assumimus, est etiam Centrum gravitatis. Si igitur tota hæc gravitas cogitatione auferatur, tribuaturque Ponderi D, puncto F appenso; Libra iisdem proprietatibus, perinde ac si totam suam gravitatem retineret, gaudebit. At per Casum præcedentem, posito Pondere D, Puncto F Libræ nullius gravitatis, appenso, Pondus D in æquilibrio circa Punctum C Pondus E suspendere debet. Ergo per 2. Coroll. 7. Axiom. redditâ Libræ totâ gravitate sua, ea quoque Pondus E in æquilibrio circa Punctum C suspendere debet.

3. Casus. Esto Libra, cujus Longitudo sit 24 digitum, gravitas vero 12 unciarum; ab *Fig. 30.* extremo A pendeat Pondus 6 unciarum, & à Puncto E, 10 digitis à Puncto B distanti, pendeat Pondus 2 unciarum. Quæritur Punctum fixum C circa quod Libra & Pondera D & F, in æquilibrio maneant.

Biseca Libram AB in Puncto G, & totâ ejus gravitate cogitatione sublata tribuatur Ponderi 12. quod huic Centro appensum concipiatur. Deinde, Ponderibus D & F omnium remotissimis, & Libræ parte inter Puncta A & E, à quibus pondera pendunt, comprehensâ, consideratis; dividatur pars AE in puncto H ita ut fiat sicut Pondus D ad Pondus F, ita EH ad AH. Deinde, vice Ponderum D & F, concipiatur Pondus 8, illis æquale, Puncto H appensum. Et Pondere 8 & Pondere 12. inter se comparatis, Libræ pars HS ita in Puncto C dividatur, ut GC sit ad A, ut Pondus 8 ad Pondus 12. Dico Pondus C esse Punctum fixum, sive Centrum motus circa quod Libra & Pondera in æquilibrio manebunt.

Nam



Nam per Coroll. 3. Prop. Punctum H est Centrum gravitatis quantitatis Ponderum D & F. Consequenter per 1. Coroll. 7. Axiom. Pondus 8, sicut Pondera D & E simul, in Libram agere debet. Item, quia Punctum G est Centrum gravitatis Libræ AB, Pondus 12. in ipsam ut tota gravitas quæ illi tribuitur, agere debet: Ideo, Libra & Pondera D & F stare debent in æquilibrio circa idem Punctum, circa quod duo Pondera 8 & 12 starent. Quoniam enim 8 est ad 12 ut GC ad HC sequitur per 1. Prop. Pondera 8 & 12 in æquilibrio circa Punctum C mansura esse. Ergo circa idem Punctum C, Libra & Pondera D & F in æquilibrio manere debent.

### S C H O L I U M.

Si datur præterea Pondus alterum alii Puncto, ut I appensum; Pondus totam in se gravitatem Libræ & Ponderum D & E simul sumptorum, habens; Puncto C concipiatur appensum. Deinde fiat ut tota gravitas ad gravitatem Ponderis in I appensum; ita IL ad CL. Et sic clarè patet Punctum L illud esse, circa quod quantitas composita Ponderibus & Librâ, in æquilibrio maneret.

### P R O P. VIII.

*Datis, in Libra Brachiorum inæqualium & Longitudinis gravitatisque notæ, Puncto fixo & quantitate Ponderis à Brachii brevioris extremo pendentis, invenire locum minoris Ponderis dati in æquilibrio Libram suspendentis.*

**E** S T O Libra AB cujus longitudo sit 12 digitum, gravitas 2 unciarum, & C Punctum fixum, digito, ab extremitate A ubi appenditur Pondus D E unius Pondo.

Fig. 31.

C 4

five

sive 16 unciarum, distans. Esto etiam pondus datum I. Quæritur punctum cui, pondere I appenso, hujusce ponderis & Libræ gravitate in æquilibrio pondus DE suspendatur.

Bisecta sit Libra in puncto F. Punctum hoc & magnitudinis & gravitatis Centrum erit. Deinde concipiatur pondus H puncto F appensum, totam Libræ gravitatem habens, quæ cum minor sit gravitate ponderis DE, fiat ut AC ad FC, ita pondus H ad pondus E. Postea ut pondus I ad pondus D, ita AC ad GC. Dico punctum G locum esse ponderis I, unde cum gravitate Libræ conjunctum, pondus DE in æquilibrio suspendet.

Quoniam enim pondus H, cum parte E ponderis DE in æquilibrio esse debet, sequitur gravitatem Libræ hanc partem E in æquilibrio suspendere. Præterea, quoniam ut pondus I ad pondus D, ita AC ad GC, sequitur hæc duo pondera, in æquilibrio circa punctum C mansura esse: ac per consequens punctum G illud est, cui appenso pondere I cujus gravitas cum gravitate Libræ conjuncta est, in æquilibrio pondus DE suspendit. Quod erat demonstrandum.

### C O R O L L A R I U M.

Stateræ constructio ex ista propositione hunc in modum deducitur.

Sumatur Virga ligno metallove confecta, Longitudinis satis amplæ, Crassitie ubique  
*Fig. 32.* æqualis & gravitatis notæ. Deinde extremo A, Unco, ad ponderanda distinnendum apposito, & puncto quocunque C pro centro motus accepto: Inveniatur per præcedentem, punctum G, cui pondus I gravitatis notæ appositum, suspendat in æquilibrio, conjunctim cum gravitate libræ, quantulamcunque quantitatem ponderandam,

derandam, V. gr. Pondo unum: eodem modo inveniuntur puncta H, I, L, M, N, &c. quibus apponere oportet pondus I, ut in æquilibrio sit cum duobus, tribus, quatuor, quinque, aut sex pondo. Sicque notulis diversis, reliqua longitudo virgæ AB signari poterit, & statera perfici.

## S C H O L. 1.

Cùm materia operis variis ut plurimum laboret defectibus, & præcedens construendæ stateræ Methodus accuratissima esse nequeat, statera juxta dictum Methodum constructa pluribus vitiis obnoxia esse posset, quare sequentem operariorum agendi rationem quantumvis in se rudem, sequi operæ pretium est. Unco D pondus omnium, quod staterâ ponderari poterit, minimum, v. gr. Librale pondus appendunt, operarii, & staterâ interim Horizonti parallêlâ, pondus I movent à C versus B, donec punctum, cui pondus I appositum librale pondus suspendat, invenerint: ibique primam signant notulam G. Deinde Unco alia pondera, ut 2, 3, 4, 5 & 6 pondo, diversis vicibus apponendo, movendoque pondus, notulas H, I, L, M, N, &c. quibus totius stateræ longitudo signatur, reperiunt.

## S C H O L. 2.

Quantavis diligentia stateræ constructioni adhibeatur, nunquam omnino perfectâ esse potest, cùm illius ope minima pondera, ut uncia, multò minùs grana granorumque partes, ponderari nequeant. Hoc tamen præ Librâ communi habet commodi, quod unicum pondus, idque satis exiguum, ad onera magna ponderanda, sufficiat, neque multis aliis opus sit. Ita, pondere 25 pondo Tormenta bellica, plurium millium hâc ponderantur staterâ: nam

nam ubi Cardines ejus gravitatem Tormenti, statera & ponderis 25 pondo suspendunt, duplum Libræ communis cardinibus sustinendum esset. Unde fieret ut Libra oneribus gravissimis onerata quam plurimum frangeretur: cum verò integra maneret, Cardines nimium contriti difficillimè moverentur, ideoque magna inter pondera, ad præponderandum, requirenda esset inæqualitas.

# PROP. IX.

*Fallacem Libram, vacuâ, & ponderibus inæqualibus onustâ, in æquilibrio manentem, construere.*

**F**iat alterum Libræ Brachium altero brevius. Deinde Lances & funes inter se sint, ut Brachia Libræ; lanxque gravior, Brachii brevioris, & levior longioris extremo, apponatur. Dico Libram hanc five vacuum, five ponderibus inæqualibus onustam in æquilibrio mansuram.

Prius patet per 1. Prop. quia vice ponderum ponuntur Lances.

Posterius etiam manifestum est, nam Libra in æquilibrio manere nequit, nisi Lances & Pondera quibus oneratur sint inter se in eadem ratione ac Brachia; & ad id requiritur inter pondera eadem ratio inæqualitatis ac inter Brachia.

# SCHOL. I.

Fieri potest contra Artificis intentum, Libras hoc vitio laborari, quod ut agnoscatur, Pondera Lancibus mutantur. Tunc enim in æquilibrio non erunt, licet primâ vice fuerint.

# SCHOL.



## S C H O L. 2.

Cum longâ experienciâ comprobatum sit Mercatorem hâc Libra utentem lucraturum, emptorem vero jacturam passurum, si Merces in Brachii longioris Lance ponerentur; excogitata sunt media, quibus utriusque damna compensari possent. Hæc invenisse se crediderunt, qui, quæ una vice ponderari poterant, pluribus vicibus ponderabant, ita ut pondus in utraque Libræ Lance alternatim reponeretur, ve. gr. Si sexaginta Mercium pondo, in ejusmodi Librâ ponderanda essent, sex æqualibus partibus dividebantur, quarum prima, tertia & quinta in brevioris Brachii Lance; secunda verò, quarta & sexta in longioris ponderabantur.

Verum multum abest ut accuratum pondus hac viâ invenias quod calculo facilè dignosci potest. Nam, ve. gr. ponderanda sint sexaginta mercium pondo in Librâ, cujus Brachia, in ratione 15 ad 16 inter se sint. Tribus primis vicibus ponatur pondus, hoc est, 10 pondo, in brevioris Brachii Lance, tribus posterioribus in longioris transferatur. Jam autem, certum est, quâlibet priorum vicium, Mercatorem  $9\frac{5}{16}$  pondo mercium, hoc est 28  $\frac{1}{2}$  pondo, tradere, & quâlibet posteriorum dare  $10\frac{10}{16}$  pondo, quæ 32 pondo conficiunt: ita ut  $60\frac{1}{16}$  pondo, vice 60 tantum largiatur Mercator, qui propterea duarum unciarum jacturam patitur.

P R O P.



## P R O P. X.

*Si Potentia, cujus Linea directionis perpendicularis est Horizonti, pondus, ope Vectis Horizonti paralleli, suspendat, eadem erit ratio Potentiæ ad Pondus, quàm distantiae Ponderis ad distantiam Potentiæ.*

1. **E**STO Vectis AB, Horizonti parallelus, cujus punctum fixum sit C. Dein, Potentia in B apposita, lineamque suam directionis Horizonti perpendicularem, habens, sustineat pondus D, adeò Vecti appositum, ut Centrum gravitatis suæ extremo A respondeat. Dico eandem esse rationem ponderis ad ~~distantiam~~ Potentiæ, quàm ~~AC ad BC.~~ **ad AC.**

Nam si auferatur Potentia in B, & in ejus locum substituatur pondus E, sustinens pondus D, Vectis AB non diversus erit Librá in C suspensâ. Ideoque per 1. Prop. erit eadem ratio ponderis E ad pondus D, quàm distantiae AC ad distantiam BC. Sed pondus E, quod pondus D sustinet, necessario æquatur Potentiæ appositæ in B, cum eundem ac ipsa producat effectum. Ergo indè sequitur eandem esse rationem Potentiæ in B ad pondus D, quàm distantiae ponderis ad distantiam Potentiæ, hoc est AC ad BC; quod erat demonstrandum.

2. ESTO nunc Vectis secundæ speciei, AB, cujus punctum fixum extremo A, & Potentia in altero extremo B, quæ ab infima parte versus summam nitens, sustineat pondus D, puncto C inter punctum fixum & Potentiam, appensum. Dico eandem esse rationem Potentiæ ad pondus, quàm distantiae ponderis ad distantiam Potentiæ, hoc est, AC ad AB.

Nam si producaturs Vectis AB versus E, ita ut AE æqualis sit AB; & auferatur Potentia quæ est in

in B, transferaturque in E ubi sursum deorsum versum agat, sequitur per Scholia Corollarii 5. Axiomatis, Potentiam eundem effectum in E, ac in B producturam, hoc est, etiamnum pondus suspensum ire: sed in hoc casu, jam demonstratum est Potentiam in E, esse ad pondus D, ut AC ad AE, five AB æqualem. Ergo eadem Potentia in B apposita est ad pondus D, ut distantia ponderis ad distantiam potentiae, hoc est ut AC ad AB, quod erat demonstrandum.

3. Esto præterea, Vectis tertiæ speciei, ut AB cujus punctum fixum sit in extremo A, & pondus D in altero extremo B, potentiaque, puncto C inter punctum fixum & pondus ubi è deorsum agat, apponatur. Dico eandem esse rationem potentiae ad pondus, quam distantiae ponderis ad distantiam potentiae, hoc est, AB ad AC. Fig. 35.

Nam si producaturs Vectis AB ad E, ita ut AE æqualis sit AC; & auferatur potentia in C, transferaturque in E ubi è sursum deorsum agat; sequitur, per Scholia Corollarii 5 Axiomatis, potentiam eundem effectum in E, ac in C producturam, hoc est pondus D suspensum ire. Sed in hoc casu, demonstratum fuit in primâ hujus parte, potentiam in E, esse ad pondus D, ut AB est ad AE, five AC æqualem. Ergo eadem potentia in C apposita, est ad pondus D, ut distantia ponderis AB ad distantiam potentiae AC. Quod erat demonstrandum.

4. Esto denique Vectis incurvatus ACB, cujus pars AC parallela sit Horizonti, punctumque fixum sit C; & pondus D ex puncto A pendeat, potentiaque in B apposita per Lineam BE, Vectis parti CB perpendicularem, agat. Dico eandem esse rationem potentiae ad pondus, quam distantiae ponderis ad distantiam potentiae, hoc est, AC ad BC. Fig. 36.

Si enim producat<sup>ur</sup> pars Vectis  $AC$  versus  $F$ , ita ut  $CF$  sit æqualis  $BC$ , & si auferatur potentia in  $B$ , transferaturque in  $F$  ubi perpendiculariter è sursum deorsum agat: sequetur per Scholia Corollarii 5. Axiomatis, potentiam eundem effectum in  $F$  ac in  $B$  producturam, hoc est, pondus  $D$  suspensum ire. Sed in hoc casu, demonstratum fuit in 1. hujus parte, potentiam in  $F$  esse ad pondus  $D$ , ut  $AC$  est ad  $CF$ , aut  $BC$  æqualem. Ergo hæc eadem potentia in  $B$  est ad pondus in  $A$ , ut distantia ponderis ad distantiam potentiae, hoc est ut  $AC$  ad  $BC$ : Quod erat demonstrandum.

S C H O L. 1.

Cum Vectis primæ aut quartæ speciei usui adhibetur, potentia pondere minor majorve esse potest; prout distantia ponderis  $AC$ , distantia potentiae  $BC$  major minorve est.

S C H O L. 2.

Sed quando utimur Vecti secundæ speciei, distantia Ponderis necessario minor est distantia Potentiae, quemadmodum Potentia necessario Pondere minor est.

S C H O L. 3.

E contra in usu Vectis tertiæ speciei distantia Ponderis necessario major est distantia Potentiae, sicuti Potentia necessario major est Pondere.

S C H O L. 4.

Si quis uteretur Vecti secundæ speciei & Potentiam vice puncti fixi, adhiberet, hæc ultima Potentia & prior

prior essent in ratione suarum distantiarum, à puncto cui appenditur Pondus, reciproca. Itaque, si duæ Potentiæ, Punctis A & B, Vectis AB, appositæ, Vectem sustineant, dico Potentiam in A esse ad Potentiam in B, ut BC ad AC. *Fig. 37.*

Nam si Punctum fixum Vectis esset in B, sequeretur modò demonstratis, Potentiam in A esse ad Pondus, ut BC ad AB, si verò esset in A, Pondus ad Potentiam eandem rationem haberet ac AB ad AC. Itaque ab una parte tres sunt quantitates, scilicet Potentia in A, Pondus D, & Potentia in B, & ab alterâ tres Lineæ BC, AB, & AC quæ binæ sumptæ eandem rationem habent, & idè proportionales sunt in ratione æquali, hoc est, Potentia in A est ad Potentiam in B, ut BC ad AC: Quod erat demonstrandum.

#### S C H O L. 5.

Quod demonstratum fuit de Vecti primæ speciei Horizonti parallelo, Verum etiam est de eodem inclinato; modo pondus liberè pendeat ab extremo cui affixum est, & potentiæ Linea directionis perpendicularis sit Horizonti, Ve. gr.

Sit Vectis primæ speciei Horizonti iuclinatus, ut AB, cujus punctum fixum est C; & pondus D ab extremo liberè pendeat, potentiaque illud sustinens, ita apponatur extremo B, ut sua Linea directionis GB sit Horizonti perpendicularis. Dico potentiam esse ad pondus, ut distantia ponderis ad distantiam potentiæ, hoc est ut AC ad BC. *Fig. 38.*

Ducatur enim per punctum fixum C, Recta FGC Horizonti parallela, idèoque perpendicularis tùm Lineæ directionis ponderis scilicet AF, tùm Lineæ directionis potentiæ nempe GB; sit CF distantia perpen-



perpendicularis ponderis, & G.C. distantia perpendicularis potentiae. Jam clarè patet, per Scholium Corollarii 4. Axiomatis, pondus à puncto A pendens, neque debilius neque fortius Vectim inclinatum AB, quàm Vectim Horizontalem FG, movere posse. Liquet etiam potentiam in B æqualiter Vectim inclinatum AB & Vectim Horizontalem FG movere debere. Unde sequitur potentiam, quæ apponenda esset in B, ad sustinendum pondus D puncto A appensum, non differre potentiâ, quæ in G, ad suspendendum idem pondus in G ponderosum, apponi deberet. At si potentia quædam in G, pondus D, in F ponderans, sustineret, eadem esset ratio potentiae ad pondus, ac distantiae ponderis FC ad distantiam potentiae CG. Ideoque cum potentia erit in B, & pondus D in A ponderabit, erit eadem ratio potentiae ad pondus quàm FC ad CG. Sed FC est ad CG ut AC ad BC propter similitudinem Triangulorum ACF & BCG. Ergo potentia in B est ad pondus in A, ut AC ad BC; Quod erat demonstrandum.

### P R O P. XI.

*Inter Potentias, quarum Lineæ directionis perpendiculares sunt Horizonti, illa quæ sustinet Pondus firmiter constrictum supra Vectim parallelum Horizonti, minor eâ est, quæ, si alia paria sint, Pondus idem demissum sustinet, sed major illâ quæ Pondus illud erectum suspendit.*

Fig. 39. **E** S T O parallelus Horizonti Vectis AB, cujus punctum fixum sit C. Esto etiam pondus, cujus Centrum gravitatis sit D, firmiter constrictum supra extremum A, & in altera B, apponatur potentia pondus sustinens, cujusque Linea directionis sit perpendicularis Horizonti.

Dico



Dico potentiam hanc minorem esse aliâ quâ, eodem modo apposita, idem Pondus ope Vectis demissi IL, sustineret, sed maiorem esse alterâ, quâ ope Vectis erecti HG idem Pondus etiam suspenderet.

A Centro gravitatis D ducatur recta DE, Vecti perpendicularis: & ex eodem puncto D ducatur alia recta perpendicularis Horizonti; hæc Linea coincidet cum Lineâ DE, quando vectis parallelus erit Horizonti; sed quando demissus, IL, cadet in Punctum M, à Puncto fixo C remotius quam Punctum E; contra verò cadet in Punctum F, Puncto fixo propius quando Vectis erectus erit ut HG. Itaque, Punctis E, M, F, supra quæ Pondus in Vecti prout diversimodè disponitur gravitat, determinatis, perspicuum est distantiam EC Ponderis, supra Vectim AB Horizonti parallelum gravitantis, minorem esse distantiam MC, cum Pondus demissum est, maiorem vero distantiam FC, quando erectum est.

Nunc autem per præcedentem Propositionem liquet, Potentiam in B esse ad Pondus quod sustinet, ut EC ad CB. Verùm ratio EC ad CB minor est ratione MC ad CL, aut CB, æqualem. Sed ratio MC ad CL eadem est ac ratio Potentiæ in L, ad Pondus quod suspendit. Ergò ratio Potentiæ in B, ad Pondus quod sustinet, minor est ratione Potentiæ in L ad idem Pondus. Ac per consequens Potentia in B, sustinens Pondus ope vectis Horizonti paralleli, minor est Potentiâ in L, idem Pondus demissum sustinente; Quod erat demonstrandum.

Ad alteram hujus Propositionis partem quod atinet considerandum est iterum Potentiam in B esse ad Pondus quod sustinet, ut EC ad CB. Ratio autem EC ad CB major est ratione FC ad CG, aut CB æqualem. Sed ratio FC ad CG eadem est ac ratio Potentiæ in G, ad Pondus quod sustinet. Ergò ratio Potentiæ in B ad Pondus quod sustinet

D

major

major est ratione Potentiæ in G, ad idem Pondus. Ac per consequens Potentia in B, Pondus ope vectis Horizonti paralleli sustinens, major est Potentiâ in G idem Pondus, erectum sustinente: Quod erat demonstrandum.

## S C H O L. 1.

Quoniam, quò magis Pondus demissum est, eò magis Punctum M, à Puncto fixo C removetur; & è contra, quò magis erectum est eò magis Punctum F ad Punctum fixum appropinquatur, indè necessariò fit ut Potentia Pondus suspendens eò major evadat quo demissius, & eò minor quò erectius erit. Sed quoniam fieri posset Pondus adeò erectum ire, ut ejus Centrum gravitatis Puncto fixo perpendiculariter responderet, & in hoc casu Punctum fixum totam gravitatem ferret, nullaque daretur causa cur Pondus versus alterutram partem proclinari deberet, tunc ad illud suspendendum nullâ opus esset Potentiâ.

## S C H O L. 2.

Jam, si Pondus infra Vectim, non verò supra, ut prius, firmiter adstrictum esse supponatur; haud difficile erit contrarium præcedentis Propositionis, simili argumentatione deducere. Quod adeò cognitu facile est, ut supervacaneum sit hîc immorari.

## S C H O L. 3.

Si Potentia Lineam suam directionis ita mutet, ut semper Vecti perpendicularis sit; ad eam cum Pondere ab eâ suspenso, comparandam, ducenda est, à Centro gravitatis Ponderis sive erectum sive demissum sit Linea, Vecti Horizontali perpendicularis.

laris. Parsque hujus Vectis inter perpendicularem & Punctum fixum comprehensa, pro distantia Ponderis accipienda est. Ve. gr.

Esto Vectis Horizontalis  $AB$  cujus Punctum fixum sit  $C$ : & supra extremum  $A$  firmiter adligetur Corpus grave cujus Centrum *Fig. 41.* gravitatis sit  $D$ . Recta  $IL$  Vectim demissum, & recta  $HG$  Vectim erectum representet, sitque Linea directionis Potentiæ in  $L$  aut in  $G$ , perpendicularis vecti. Jam ut Potentia cum Pondere conferatur, ducendum est à centro gravitatis  $D$  Ponderis demissi, rectam  $DM$ , vecti Horizontali perpendicularem, &  $CM$  pro distantia Ponderis accipienda est. Pondere autem erecto Linea  $DN$  supra vectim Horizontalem perpendiculariter ducenda, &  $NC$  pro distantia Ponderis habenda est: Tunc enim Potentia Pondus demissum sustinens, erit ad idem Pondus ut  $MC$  ad  $LC$ ; at cum Pondus erectum est, Potentia illud suspendens erit ad idem Pondus, ut  $NC$  ad  $CG$ .

Vecti enim Horizontali perpendiculares nempe  $DM$  &  $DN$ , sunt Lineæ directionis horum Ponderum, æqualiter in Punctis harum Linearum gravitantium, per 4. Axioma. Idcirco Pondere demisso, perinde est ac si Puncto  $M$  apponeretur, vectisque mutaretur in vectim incurvatum  $MCL$ : Pondere autem erecto, ac si Puncto  $N$  appenderetur, & vectis esset  $NCG$ . Ideoque ex demonstratis sequitur, Potentiam in  $L$  esse ad Pondus demissum ut  $MC$  ad  $CL$ , & Potentiam in  $G$  esse ad Pondus erectum ut  $NC$  ad  $CG$ .

## P R O P. XII.

*Datis Potentia & Vecte, Pondus datum movere.*

**D**Entur Potentia decem, & Pondus millium pondo, Vectisque unius.

Quæritur punctum fixum, cui, vecte appposito, pondus datum potentia data moveri possit.

Dividatur vectis  $AB$  in puncto  $C$ , ita ut  $AC$  sit ad  $CB$  ut potentia data 10 ad pondus

*Fig. 42.* datum 1000. Deinde ad libitum fumatur punctum  $E$  inter  $A$  &  $C$  pro puncto fixo,

sicque vecti apponatur pondus, ut ejus Centrum gravitatis perpendiculariter extremo vectis  $A$  respondeat, & Linea directionis potentia in  $B$  Angulum rectum cum vecte constituat. Dico potentiam datam pondus datum movere posse.

Nam per constructionem, potentia data est ad pondus datum ut  $AC$  ad  $CB$ . At ratio  $AC$  ad  $CB$  major est ratione  $AE$  ad  $EB$ , Ergò ratio potentia ad pondus, major est ratione distantia  $AE$  ad distantiam  $EB$ , & consequenter, potentia data major est aliâ quæ eandem rationem haberet ad pondus quàm  $AE$  ad  $EB$ . Sed per Propositionem præcedentem, hæc potentia apposita in  $B$  perpendiculariter, pondus in  $A$  gravitans sustinere posset. Ergo per 6. Axioma. Potentia data, quæ major est illud movere poterit. Invenimus igitur punctum fixum, cui, vecte dato appposito, potentia data pondus datum movere potest. Quod erat faciendum.

## S C H O L I U M.

Quandò pondus comparatè ad potentiam maximum est, nisi vectis permagnæ sit Longitudinis necessario accidit punctum, per præcedentem repertum, ita



ita proximum fieri vectis extremo, ut ferè cum illo coincidat. Quocirca licet ea quæ modò diximus, verissima sint, semper tamen ad usum converti nequeunt. Itaque, cum Archimedes ignorare non posset multò difficilius esse totum Terræ Corpus movere, quam partem illius unam quantumvis respectu nòstri magnam, vix credi potest eum unius vectis ope Problema, quo statuebat se totam Terram moturum, modò daretur illi Punctum fixum unicum, solvere voluisse; sed credibilius est Machinam aliam nobis ignotam, ad sui moliminis executionem, in animo habuisse.

### P R O P. XIII.

*Si Potentia Ponderis ope Vectis moveatur, ratio spatii, quod percurrit Ponderis, erit ad spatium quod Potentia percurrit, ratione Potentiæ ad Ponderis minor.*

**E**ST O Vectis AB cuius punctum fixum sit C; & extremo A, pondus apponatur, aliiq[ue] extremo B, potentia applicetur quæ Fig. 43. illud moveat, Vectisq[ue] è sede sua dimoveat in ED, & ita pondus percurrat spatium AE, & potentiam spatium BD. Dico, rationem spatii AE ad spatium BD, minorem esse ratione potentiæ ad pondus.

Nam, potentia quæ pondus movet necessario paulò major est aliâ, quæ, extremo B appositâ, illud tantum suspendere posset. Igitur prior potentia maiorem habet rationem ad pondus quam alterâ. Atqui ratio huius potentiæ ad pondus est ut AC ad CB. Ergò, potentia quæ pondus movet maiorem habet rationem ad idem pondus, quàm AC ad CB. Jam autem, quoniam Anguli ACE, BCD ad verticem oppositi æquales sunt, sequitur sectores ACE & BCD similes esse. Ideoque ut AC est



ad C B, ita Arcus A E ad Arcum B D, ac per consequens Potentia quæ Ponderus movet, majorem habet rationem ad Ponderus, quàm A E ad B D, vel quod idem est, ratio spatii A E quod percurrit ponderus, ad spatium B D quod Potentia percurrit, minor est ratione Potentiæ ad ponderus. Quod erat demonstrandum.

### S C H O L I U M.

Inde sequitur Potentiam Vecte moventem ponderus, quod absque illius ope tollere non posset, majus etiam spatium, servatâ proportionem, percurrere; ut, si Potentia decem pondo Ponderus centum moveat, decuplum percurrit spatium; quia ponderus Potentiâ decuplum est. Unde patet, quod si æquali velocitate moveatur Potentia, decuplum quoque tempus adhibebit; quæ fortè persuadere possent Vectim nullius esse utilitatis, & æquè præstare ponderus in partes æquales Potentiæ dividere, quas omnes alternatim ferret Potentia; vel operam dare ut pluribus Potentiis simul & una vice moveretur ponderus. Sed præterquam dantur pondera quæ dividi non possunt, & alia quibus plures Potentiæ apponi nequeunt, quibus accedit ut unica tantum Potentiâ uti sæpè cogamur, saltem hoc habemus commodi utendo Vecte ad ponderus unâ vice movendum, nimirum quod coacti non simus sæpissime retro eundo tempus terere; ut fit cum ponderus in plures partes, quæ alternatim movendæ sunt, dividitur.

P R O P.

## P R O P. XIV.

*Datis Magnitudine & situ Trabis, viribusque Potentiarum quæ illam sustinent, cum locis harum Potentiarum diversisque earum appositionibus; invenietur Pondus quod quælibet Potentia sustinet, & consequenter tota & absoluta Trabis gravitas.*

**E**STO ABCD Trabs sive solidum rectangulum homogeneum & æqualis crassitiei, cujus datur longitudo AB vel DC, Fig. 44. crassities AD aut BC, & situs, hoc est, Angulus quem facit Longitudo cum rectâ Horizontali EB, in quâ puncto B nititur. Puncto D apponantur duæ Potentiæ datæ, quarum Lineæ directionis DF, DG, faciant Angulos datos cum Longitudine Trabis DC. Centro Magnitudinis & gravitatis simul apponatur altera Potentia data, cujus Linea directionis HI perpendicularis sit Horizonti. Tandem puncto L Longitudinem bisecanti, apponatur Potentia data, cujus Linea directionis ML faciat cum Longitudine Angulum datum MLC. Dico, gravitatem partis Trabis, quam quælibet Potentia suspendit, & consequenter totam Trabis gravitatem inveniri posse.

A Puncto B ad Puncta D & L, ducantur Lineæ BD, BL quarum prior transibit per Centrum gravitatis H, & ab ipso bifariam secta erit. Producat-  
 tur IH donec occurrat Horizontali Puncto P: Et à Puncto B ducantur Lineæ BN, BO, perpendiculares DG & LM. Tandem auferatur tota Trabis gravitas, & transferatur ad Centrum H. Tunc Trabs à Vecte secundæ speciei, cujus Punctum fixum est B, diversa non erit. Linea BP, distantia erit perpendicularis tum totius gravitatis Trabis, tum Potentiæ, cujus HI est Linea directionis: BA

erit distantia perpendicularis Potentiæ, cujus Linea directionis est  $DF$ :  $BN$  erit distantia perpendicularis Potentiæ cujus Linea directionis est  $DG$ : Denique  $BO$  erit distantia perpendicularis Potentiæ cujus Linea directionis est  $LM$ .

In Triangulo  $ABD$ , datis duobus rectis  $BA$  &  $AD$  cum Angulo recto  $BAD$ , invenietur Angulus  $ABD$ , & recta  $BD$ , cujus dimidia est  $BH$ . Angulus quoque  $HBP$  facile dignoscitur, quia duobus datis Angulis componitur. Rursus, in Triangulo  $BCL$  dantur latera  $BC$ ,  $CL$ , & Angulus rectus  $BCL$ ; reperietur igitur tum recta  $BL$  tum Angulus  $BLC$ . Præterea quoniam in Triangulo  $HBP$ , dantur recta  $HB$ , Angulus  $HBP$ , cum Angulo recto  $HPB$ , invenietur recta  $PB$ . Item, in Triangulo  $BDN$ , datis recta  $BD$ , Angulo recto  $BDN$ , & Angulo  $BDN$ , qui duobus datis Angulis  $NDC$ , &  $CDB$  aut æquali  $DBA$  componitur, reperietur recta  $BN$ . Tandem, quia in Triangulo  $BLO$ , dantur recta  $BL$  & Angulus rectus  $BOL$ , cum Angulo  $OLB$ , qui duobus Angulis datis  $OLC$  &  $CLB$  constat, recta  $BO$  invenietur.

Jam autem. Quoniam per 10. Prop. Potentia, cujus Linea directionis est  $ADF$ , est ad partem ponderis quod sustinet, sicut distantia ponderis ad distantiam potentiæ, hoc est, ut  $BP$  ad  $BA$ , & quoniam horum quatuor quæ inter se proportionalia sunt, tria cognoscuntur, nimirum Magnitudo potentiæ, distantia  $BP$ , & distantia  $BA$ , sequitur quartum nempe partem ponderis Trabis, quam potentia suspendit, etiam cognosci. Quod primum est ex iis quæ demonstranda erant.

Rursus, quia potentia cujus  $DG$  est Linea directionis, eandem habet rationem ad partem ponderis quod sustinet, quam  $BP$  ad  $BN$ , & quoniam horum quatuor proportionalium tria dantur, invenietur quoque pars gravitatis Trabis, quam potentia suspendit.

suspendit. Quod alterum est ex iis quæ demonstranda erant.

Iterum, quoniam Potentia, cujus LM Linea directionis est, eandem habet rationem ad partem ponderis quod sustinet, quàm BP ad BO, & quoniam horum quatuor proportionalium tria dantur, reperietur quartum, videlicet pars gravitatis Trabis quam Potentia suspendit. Quod tertium est ex iis quæ demonstranda erant.

Quoad partem gravitatis Trabis quam sustinet Potentia cujus HI est Linea directionis, manifestum est per 7. Def. eam Potentiæ æqualem esse, & consequenter notam: Quod quartum est ex iis quæ demonstranda erant.

Denique cum tota Trabis gravitas æqualis sit ponderibus omnium suarum partium quæ nunc cognoscuntur, sequitur totam gravitatem Trabis inveniri posse: Quod ultimum est ex iis quæ demonstranda erant.

# PROP. XV.

*In usu Rehamorum quælibet trochlea superior, Vecti primæ speciei, & quælibet inferior vecti secundæ speciei, æquivalet.*

**S**INT ABC, EFG, & HIL tres Trochleæ in suis balteis defixæ, ope Axium suorum per Centra transeuntium Trochleæ Fig. 45. superiores Balteis unco B distentis, circa sua Centra moveantur; sed inferior HIL, præter motum suum circa Centrum cum aliis, etiam ope funis IGFEHLCBAP, ita conjungatur ut ascendere descendereque possit, prout funis extremum P, adducetur aut remittetur, ita ut hæc Machina usui esse possit ad movendum pondus Q, unco O distentum. Dico quamlibet Trochleam superiorem  
ABC



ABC vel EFG Vecti primæ speciei, & inferiorem  
HIL vecti secundæ speciei æquivalere.

Per Centra D, M, & N, ducantur Lineæ ADC, EMG, HNL utrinque ad puncta Circumferentiarum Trochlearum, quæ funes ab initio tangunt, terminatæ, ideoque funibus perpendiculares. Deinde notandum est omnes hæc funes eundem effectum producere, si ab omnibus Trochleis superessent tantum Lineæ ADC, EMG, & HNL, quarum extremis, funes alligati essent. Quandoquidem enim in Linea ADC, datur punctum fixum nempe D, quod est inter extremum A, cui Potentia apponitur, & alterum extremum C, cui, pars funis, CL, (quæ pro pondere haberi debet, quia à pondere Q deorsum trahitur) apposita est; item quoniam in Lineâ EMG datur etiam punctum fixum, videlicet M, quod est inter extremum E, cui apponitur pars funis EH, quæ pro Potentia habenda est, quia è fursum deorsum movere nititur, & alterum extremum G, cui, est apposita funis pars GI, quæ pro pondere æstimari debet, cum pondus Q etiam deorsum illam trahat: Exinde liquet vecti primæ speciei superiores æquipollere Trochleas; Quod primo loco demonstrandum erat.

Jam si ab inferiori Trochleâ nihil præter rectam HNL reliqui esset, effectus Machinæ nequaquam mutaretur, dummodò punctis H, N, & L, apponerentur funes & pondera: atqui in hoc casu, extremitas L, quæ ad ascensum determinatur, pro Potentiâ haberi debet, & punctum H, in quod cadit perpendicularis LN pro puncto fixo, & pondus Q reipsâ gravitat in punctum N. Ergo recta HNL vectis est secundæ speciei: Unde sequitur Trochleam inferiorem vecti secundæ speciei æquipollere; Quod præterea demonstrandum erat.



## S C H O L. 1.

Quoniam in superioribus Trochleis puncta fixa vectes bifariam secant, ideoque distantia ponderis æqualis est distantia Potentiæ; necessario sequitur, per 10 Prop. quod si Potentia pondus, ope Trochleæ ex superiorum genere, su- *Fig. 46.* spendat, Potentiam æquari ponderi suspensæ. Ve.gr. Esto Trochlea ABC, cujus Balteum unco B adstrictum sit, & Potentia extremo E funis EABC<sup>F</sup> apposita pondus G alii extremo F appensum suspendat. Quia distantia ponderis CD æquatur distantia Potentiæ AD, sequitur quoque Potentiam ponderi æqualem esse.

## S C H O L. 2.

Rursum esto ABCD Trochlea ex inferiorum genere, in Balteo suo inclusa, mobilisque circa Centrum suum E, à quo pendet & *Fig. 47.* in quod gravitat pondus F, suspensum à Potentiâ, appositâ puncto G hoc est extremo funis GDCBH, cujus alterum H immoto cuiuspiam loco alligatum est. Quandoquidem distantia ponderis EB dimidium est distantia Potentiæ DB, sequitur quoque Potentiam ponderis dimidium esse.

## P R O P. XVI.

*Quando Potentia pluribus Trochleis pondus suspendit, funes omnes æqualiter tenduntur.*

**P**Ræcedentis propositionis iterum assumatur Schema, & Potentia in P pondus Q suspendat. Dico funes AP, EH, GI, & CL, *Fig. 48.* æqualiter tenso esse.

Si

Si enim alteruter funium  $AP$  &  $CL$ , qui ambo extremis vectis  $AC$  (cujus punctum fixum æqualiter distat ab extremis  $A$  &  $C$ ) apponuntur, alter altero magis contenderetur; majori quoque vi extremum vectis, cui apponitur, traheret, adeo ut Trochlea  $ABC$ , consequenterque omnes alie versari cogerentur, ideoque etiam pondus  $Q$ , moveretur; quod est contra Hypothesin. Ergo funis  $AP$  altero  $CL$  non magis contenditur.

Deinde si alteruter funium  $CL$  &  $EH$ , qui ambo apponuntur extremis Vectis  $HL$ , cujus ope suspendunt pondus puncto  $N$ , ab extremis  $H$  &  $L$  æqualiter remoto, appensum, alter altero magis tenderetur, majorem vim trahendi extremum Vectis cui apponitur haberet, unde illum moveret, & consequenter Trochleam  $HIL$ , & pondus  $Q$  eodem tempore, quod est contra Hypothesin. Ideoque funes  $CL$ , &  $EH$  æqualiter tenduntur.

Denique, si alteruter funium  $EH$  &  $GI$ , qui ambo extremis Vectis  $FG$ , cujus punctum fixum æqualiter distat ab extremis  $F$  &  $G$ , apponuntur, alter altero magis contenderetur, majori quoque vi, extremum Vectis, cui apponitur traheret; adeo ut illum Trochleam & pondus  $Q$  moveret; quod est contra Hypothesin. Ideoque funes  $EH$ , &  $GI$  æqualiter tenduntur.

Itaque, quando potentia pondus ope plurium Trochlearum suspendit, omnes funes æqualiter tenduntur; Quod erat demonstrandum.

### C O R O L L A R I U M.

Exindè manifestò liquet funes omnes Trochleis inferioribus appositos, sicut  $EH$ ,  $GI$ ,  $CL$ , partes æquales ponderis suspendere.

P R O P.

## P R O P. XVII.

*Si Potentia pluribus Trochleis pondus suspendat, eandem rationem ad pondus habebit quam unitas ad numerum funium Trochleis inferioribus appositorum.*

**H**ypothesis iterum præcedentis Propositionis assumatur, potentiaque in P, pondus suspendat ope Trochlearum ABC, EFG *Fig. 45.*  
**HIL.** Dico potentiam in P, esse ad pondus Q, ut unitas ad numerum funium Trochleæ inferiori appositorum. Itaque cum in hac figurâ vel Machinâ, tres apponantur funes infimæ Trochleæ, & cum unitas sit trium tertia pars, sequitur potentiam in P, esse quoque tertiam partem ponderis Q.

Nam per Corollarium præcedentis Propositionis, funes Trochleis inferioribus appositi partes æquales ponderis Q suspendunt: Unde sequitur funem CL, præcisè tertiam partem ejusdem Ponderis sustinere, & extremum C Vectis AC trahere, vi tertiæ partis ponderis Q æquali. Atqui per 1. Schol. 15. Prop. Potentia in P, quæ apponitur extremo A vectis AC, æquatur ponderi quod alterum extremum C ejusdem vectis trahit. Ergò potentia in P est tertia pars ponderis suspensi: Quod erat demonstrandum.

## C O R O L. I.

Indè patet, quod si detur numerus funium, appositorum inferioribus Machinæ Trochleis, cujus ope potentia pondus datum sustineat, eandem potentiam faciliè inveniri posse; siquidem ipsa erit ad pondus, ut unitas ad numerum datum funium.

## C O R O L.

## C O R O L. 2.

Inde etiam sequitur punctum immotum, cui un-  
cus B adstrictus est, tùm gravitatem ponderis  $Q$ ,  
tùm quantitatem potentiae illud suspendentis susti-  
nere: hæc enim potentia, in funem tantùm gra-  
vitat quantùm gravitaret pondus illi æquale.

## S C H O L I U M.

Interea tamen aliquid amplius in usu consideran-  
dum venit: Nam quia Trochleæ & funes, quibus  
utimur, graves sunt, & pars potentiae ad eos suspen-  
dendos adhibetur, sequitur quantitatem potentiae  
exactè determinari non posse, nisi pondus ponatur  
majus quam reipsa est, quantitate nimirum gravita-  
tis Trochlearum inferiorum, Balteorumque suorum,  
imò etiam gravitate totius funis, præter tamen gra-  
vitatem partium, quæ Trochleas superiores tangunt,  
duplumque partis ultimæ funis quæ à Trochleâ supe-  
riori pendet, cuique potentia apposita est.

Itaque, si animo fingamus figuram hîc appositam,  
Trochleas, Baltea, funesque materiales &  
*Fig. 45.* graves repræsentari, computus fieri debet  
ac si pondus  $Q$ , reipsa gravius esset, quan-  
titate videl. gravitatis Trochleæ inferioris, Baltei-  
que sui, & quantitate gravitatis rotius funis, præter  
tamen gravitatem partium  $ABC$ ,  $EFG$ , quæ  
Trochleas superiores tangunt, & quæ ab illis susti-  
nentur, nec non partem  $AP$  &  $CR$  æqualem, quæ  
considerandæ sunt ac si nullam gravitatem haberent,  
quia in æquilibrio sunt mutuoque suspenduntur,  
descensumque suum in vicem impediunt.

Præterea, quoniam funes nunquam omnino flexi-  
biles sed semper aliquantulum rigidi sunt, hæc rigi-  
ditas quæ Machinæ motui obstat nonnullâ etiam  
confide-



consideratione digna est ; non secus ac Axiom, Cardinumque Trochlearum affrictus : Ita ut potentia augeri debeat quantitate virium, quæ illi ad hæc obstacula removenda necessariae sunt.

Jam autem, ad determinandam quantitatem quâ punctum immotum oneratur, nulla ratio habenda est ad rigiditatem funium aut attritum Axiom & Cardinum, hæc enim ponderosa non sunt ; sed animadverti debent pondus aut vis potentiae appositæ in P, gravitas ponderis Q, funis, Trochlearumque tum superiorum tum inferiorum ; cum certum sit, hæc omnia punctum immotum onerari.

### P R O P. XVIII.

*Si potentia pluribus Trochleis pondus moveat, majorem habebit rationem ad pondus, quam spatium quod percurrit pondus ad spatium à potentiâ percursum ; sive, quam unitas ad numerum funium Trochleis infimis appositorum.*

**P**Ræcedentium Propositionum denuò sumatur Hypothesis, potentiaque apposita in P, funem trahens versus S, pondus Q moveat ab O versus G, hoc est ab infero in altum. Dico *Fig. 44.* majorem esse rationem potentiae ad pondus, quàm spatii à pondere percursum, ad spatium à potentiâ percursum.

Nam, ut pondus certâ quantitate moveatur, necesse est quamlibet funium Trochleis inferioribus appositorum, pari quantitate contrahi ; consequenterque funes omnes simul se se contrahere certa quadam alia quantitate, ad quam prior eandem rationem habeat, ac unitas ad numerum funium Trochleis inferioribus appositorum. Quod cum sit impossibile nisi potentia, in extremo funis P posita, totidem funis à sua parte trahat, ideoque nisi spatium æquale  
Longitu.



Longitudinì funis quam trahit, percurrat: manifestum est spatium à pondere percursum esse ad spatium à potentiâ percursum, ut unitas ad numerum funium Trochleis inferioribus appositorum; sed per præc. Prop. potentia puncto P apposita pondus Q solummodò suspendens, ad idem pondus eandem haberet rationem. Ergò, cùm potentia quæ pondus movet, eâ quæ illud tantùm suspendit paulò major esse debeat, majorem quoque habebit rationem ad idem pondus, quam potentia, à quâ solummodo suspenditur. Ideoque potentia, quæ, appositâ in P, pondus Q movet, majorem habet rationem ad idem pondus, quàm spatium quod pondus percurrit ad spatium quod percurrit potentia, quæ illud movet: Quod erat demonstrandum.

#### S C H O L. 1.

Ut accuratus fiat computus quantitatis potentiæ in usu Trochlearum, necessarium est potentiam posse suspendere, & in altum ferre gravitatem ponderis, Trochlearum inferiorum Balteorumque suorum, & partium funis quæ suprâ notantur, nec non vincere posse obstaculum, quod rigiditas Funis & attritus Axium & Cardinum motui afferunt. Nam utique constat hæc omnia vim potentiæ inter se partiri, & cuilibet eorum partem potentiæ assignari.

#### S C H O L. 2.

Quandoquidem impedimentum quod Funium rigiditas, & attritus axium & Cardinum motui afferunt, partim ab eorum magnitudine augetur; perspicuum est etiam, partim minui posse, si funes, Axes & Cardines admodum exiles fiant, sustineanturque  
Balteis

Balteis tenuissimis, quantum tamen materia & opus perferre poterunt. Et quoniam funis facilius majorem curvaturam quam minorem patitur, operæ præteritum erit trochleas non admodum exiguas conficere.

At circa trochleas præcipuè animadvertendum est eas melioris esse notæ quæ respectu Axium stabiles sunt, & quæ cum illis gyrent in Balteis, quam quæ circa Axes versantur, dum Axes in Balteis immobiles sunt. Nam præterquam quòd hoc pacto affricus major vitatur, alii etiam incommodo, quod Trochleis circum Axes volventibus tandem accidit, occurritur, nempe foraminum incremento, quod impedit quominus Trochleæ circa Centra ad Pondus movendum volvantur, quin eadem ratione Punctum fixum propius sit loco cui apponitur Potentia, quam eo cui Pondus appositum est: quæ omnia vim Potentiæ minuunt & Ponderis gravitatem augent.

### S C H O L. 3.

In figura præcedenti faciliè percipitur quod si Potentia ex loco P ubi fursùm deorsum versus agit, auferatur, ut constituatur puncto *Fig. 45.* R, ubi deorsum fursùm versus agat, etiamnum sufficere ad idem pondus suspendendum. Unde sequitur partem funis P A B C R Trochleamque ABC, nullius fore utilitatis, nisi eorum ope difficultas funem trahendi, si Potentia puncto R apposita esset, vitaretur.

Præterea notatu dignum est, quòd si Potentia esset in R, onus puncti fixi Machinæ levius esset quantitate ejusdem Potentiæ; nam certum est tantâ quantitate exonerari, cum apponitur in R, quantâ oneratur cum in P constituitur.

## S C H O L. 4.

Hic etiam notandum est quòd, si quis hærens in Terra, vices Potentiæ in P appositæ ageret, ejus contentio quantumvis magna ad summum potentiam tantum æquaret. At si puncto R constitueretur, & pondus sursum tollere niteretur, ejus conatus gravitatem eandem superare posset, ac per consequens majora pondera movere.

## S C H O L. 5.

Et si Trochleis ad pondera attollenda præcipue utimur, adhiberi tamen possunt ut corpora, quæ alioquin moveri non possent, horizontaliter sive alio quocunque modo moveantur. Tunc autem ratio potentiæ est ad pondus, uti supra dictum fuit. Sed hic notandum est, quòd si potentia liberè moveri queat versùs locum quò corpus propellere intendimus, puncto R potius quàm puncto P apponi debet: tantum enim abest ut Trochlea ABC cujusdam sit usus, ut potius noceat, nam 1<sup>o</sup> funem complicat quod minimè necesse est. 2. Attritus Axis & Cardinum ejus vim potentiæ aliquatenus minuit.

## S C H O L. 6.

Quocunque modo Trochleis utamur, sive ad corpora deorsum sursum versùs modumve in

*Fig. 48.* alium movenda; notandum est cum eas tum potentiam variis modis disponi posse.

Ex. Ca. ita adaptari possunt Trochleæ, ut prior ABCD, pondus E, Balteo suo inuncatum ferat, ipsaque feratur fune, cujus extremum F alligatum sit clavo cuiuspiam immoto, alterum verò extremum Balteo secundæ Trochleæ GHIL. Præterea, hæc posterior

posterior Trochlea sustineri potest fune, cujus extremum M, clavo immoto adstrictum sit, & alterum N, Balteo tertiæ Trochleæ NOPQ, quæ etiam suspendatur fune, cujus extremum R clavo immoto alligatum sit, & alterum S potentiâ deorsum fursùm versus agente sustineatur. Sed ibi nulla est difficultas; clarè enim patet, superioribus demonstratis quod si gravitates ponderis E, Baltei primæ Trochleæ ABCD, & funis sui FBCDG, in unum colligantur; dimidium summæ Uncus G secundæ Trochleæ suspendet. Item, si gravitas oneris Unci G, gravitas Trochleæ GHIL, & gravitas funis sui MLGHN, in unum addantur; dimidium summæ sustinebit Uncus N Trochleæ NOPQ. Denique si gravitas oneris Unci N, Trochleæ NOPQ, & funis sui RQNOS, in unum colligantur; dimidium summæ suspendet potentia in S apposita, ideoque huic dimidio æqualis erit.

Ut autem, Trochleis ita dispositis, potentia in S, certâ quantitate pondus E tollere possit, Uncus G, cui funis primæ Trochleæ alligatur, & consequenter Trochlea GHIL, duplo moveri debet; quod fieri nequit, nisi Uncus N & Trochlea NOPQ, duplo dupli, hoc est quadruplo moveantur; quod etiam impossibile est, nisi potentia in S apposita, duplo quadrupli, hoc est octuplo motus ponderis E, moveatur.

## S C H O L. 7.

In dispositione Trochlearum communi, prout hâc iterum apponitur, Pondus ut antea, Unco O distineri supponi potest, & extremum funis P puncto immoto, adstringi, potentiamque in B appositam, pondus suspendere, quo in casu punctum fixum P æquipollet potentiæ, de quâ

suprà. His igitur ita positis facile videre est potentiam in B eadem quantitate onerari, quâ Uncum B oneratum esse antea diximus: adeo ut potentia tunc æqualis sit ponderi, & insuper quantitati quæ sit ad idem pondus, ut unitas ad numerum funium Trochleis inferioribus appositorum.

Jam autem si potentia sic apposita, deorsum sursum versus traheret pondusque tolleretur, spatium à pondere percursum æquaretur spatio à Potentia percurso, nec non quantitati in eâ ratione ad hoc spatium quâ unitas est ad numerum funium Trochleis inferioribus appositorum. Quamvis enim funes omnes non contraherentur, dubitari nequit quin totâ Machinâ movente, Uncus O, cui Pondus apponitur, æquè ac Potentia quæ versus B constituta est, tolleretur. Sed quoniam Machina evehi nequit, quin pars funis AP, porrigatur eâ quantitate, quâ superiores Trochleæ extolluntur; sequitur funes omnes, Trochleæ inferiori appositas, eadem quantitate simul se se contrahere. Ideoque quamlibet earum breviorē fieri quantitate proportionali ad eandem quantitatē, ut unitas ad numerum horum Funium; Unde sequitur tali quantitate Pondus ascensum iri.

#### S C H O L. 8.

In eadem dispositione Trochlearum, Puncto fixo manente in B, Pondus ab extremo Funis P pendere fingi potest, & Potentiam constitui in O, ubi deorsum sursum versus trahat. Et in hoc casu, ea de pondere dicenda sunt, quæ de Potentia dicta fuere, & vice versâ quæ ponderi tribuebantur Potentiæ adscribi debent.



## S C H O L. 9.

Nulla major erit difficultas, si Punctum fixum in O, pondus in P, & Potentia in B constituentur; siquidem ea tantum ponderi tribui debent, quæ Potentiæ tribuebantur, & ea de puncto fixo cogitanda sunt quæ de pondere cogitabantur, tandem Potentia in B considerari debet prout punctum fixum supra considerabatur.

## P R O P. XIX.

*Si Potentia apposita Circumferentiæ rotæ circa Centrum unà cum Axe mobilis, cujus Linea directionis sit ejusdem circumferentiæ Tangens, pondus funi Axi circumvoluto appensum suspendat, ratio Potentiæ ad pondus erit eadem ac Radii Axis ad Radium rotæ.*

**R**OTA ABCD firmiter adstringatur Axi EGH, cum quo versatilis sit circa centrum E: puncto A circumferentiæ rotæ apponatur Potentia, cujus Linea directionis sit *Fig. 49.* ejusdem circumferentiæ Tangens; quæque suspendat, sive impellendo sive deprimere nitendo, pondus I, ab extremo funis pendens, cujus alterum circumferentiæ Axis optimè revinctum sit: dico eandem esse rationem Potentiæ in A ad pondus I, quàm Radii Axis EH ad Radium rotæ AE.

Nam si auferantur partes Machinæ inutiles, manifestum erit nihil superesse præter Lineam AEH, quæ Vectis est primæ speciei, in quo punctum fixum est E, distantia potentiæ AE, distantiaque ponderis EH, Ergò per 10. Prop. eadem est ratio Potentiæ in A ad pondus I ac EH ad AE; Quod erat demonstrandum.

## S C H O L. 1.

Hinc facile patet, Potentiam in  $L$  aut cuilibet alii rotæ circumferentiæ loco positam, eundem effectum producturam, ac si puncto  $A$  apponeretur, modo Linea directionis circumferentiam eandem tangat; siquidem quocunque positam esse volueris, semper inutilia demendo superest Vectis  $LEH$ , cujus punctum fixum  $E$ , distantia Potentiæ, Radius rotæ æqualis  $AE$ , & distantia Ponderis  $EH$  semper erit.

## S C H O L. 2.

Aliter res se haberet, si Linea directionis Potentiæ diversa esset à Tangente circumferentiæ rotæ. Nam, in hoc casu, abscissis partibus superfluis perpendicularis distantia Ponderis utiquè semper erit Radius Axis, sed distantia perpendicularis Potentiæ non erit amplius rotæ Radius, in cuius locum accipi debet recta, à centro rotæ ad Lineam directionis Potentiæ, perpendiculariter ducta. Unde sequitur Potentiam esse ad Pondus, ut Radius Axis ad hanc perpendicularem. Ve. gr. Si  $LM$  esset Linea directionis Potentiæ, Puncto  $L$  appositæ, distantia perpendicularis hujus Potentiæ esset recta  $EM$ , quæ à centro rotæ  $E$  perpendiculariter cadit in Lineam directionis  $LM$ : ideoque Potentia foret ad Pondus, ut  $EH$  ad  $EM$ .

## S C H O L. 3.

Si rota & Axis convertantur in usum, nulla est consideranda partium gravitas in Machinâ saltem accuratè constructâ, cum perspicuum sit partes, unius lateris ab alterius æquiponderari.

## S C H O L.

## S C H O L. 4.

Attritum Cardinum motui moram ac impedimentum afferre pro comperto habetur, hoc igitur animadverti potest; neque prætereunda est funium gravitas, siquidem cum Ponderus quasi suspensum sit Lineâ, per medium funis transeunte, ut illius vera distantia dignoscatur dimidium diametri funis, Radio Axis adjiciendum est. Ideoque distantia Ponderis, augetur secundum crassitiem funis, unde fit ut majori vi Ponderus trahat & consequenter iisdem paribus, opus sit Potentiâ ad illud suspendendum fortiori.

## S C H O L. 5.

Jam, perspicuum est distantiam Potentiæ appositæ Funi rotam circumvolventi, ex dimidio Radii rotæ dimidioque crassitiei Funis, compositam esse. Unde sequitur distantiam Potentiæ tantò majorem esse (rotâ eadem manente) quantò funis crassior est, seu (fune eodem posito) quantò rotâ minor evadit.

## PROP. XX.

*Si Potentia, apposita circumferentiæ Rotæ cum Axe suo, circa Centrum mobilis, qujus Linea directionis Circumferentiam tangit, pondus suspendat appensum extremo funis cingentis Circumferentiam Axis alterius Rotæ, quæ pariter cum Axe suo mobilis sit, quæque occurrat dentibus alterius Rotulæ, Axi Rotæ prioris affixæ: Ratio potentiae ad pondus composita erit rationibus Radii Axis ad Radium Rotæ, & Radii Rotulæ alterius Rotæ ad Radium suum.*

**R**OTA ABC, cum Axe suo, cui inhæret Rotula DEF, mobilis sit circa Centrum suum G: Rotulæque dens ut D occurrat dentibus alterius rotæ HIK, quæ cum Axe suo LMN circa Centrum suum O, pariter moveri possit.

Fig. 50. Funis NMLQ ab uno extremo circumferentiæ Axis firmiter revinctus sit, & ab altero, suspendat Pondus Q, cogens Rotam HIK versari secundum litterarum ordinem IHK, & consequenter alteram Rotam ABC secundum litterarum ordinem ACB: tandem, Puncto A vel cuicunque alii circumferentiæ Rotæ ABC, apponatur Potentia, cujus Linea directionis sit Tangens AP, quæ suspendat Pondus Q, ac illius decensum impediat. Dico, Rationem Potentiæ in A ad Pondus Q compositam esse ratione Radii Axis OL, ad Radium Rotæ OH, & ratione Radii Rotulæ GD ad Radium Rotæ GA. Hoc est, si Radius Axis, sit quadrans Radii suæ Rotæ, & Radius Rotulæ sexta pars Radii suæ Rotæ, Potentia erit quadrans sextantis, aut vigesima quarta pars Ponderis.

Nam, si Potentia apposita Puncto H circumferentiæ Rotæ HIK, & impellens versus C, suspenderet

deret Pondus  $Q$ , per præcedentem eandem rationem haberet ad Pondus istud ac Radius Axis  $OL$ , ad Radium  $OH$  Rotæ  $HIK$ : Unde sequitur Pondus  $Q$  cogere Circumferentiam Rotæ  $HIK$ , nec non Rotulæ  $DEF$  eadem vi moveri ac ista circumferentia moveretur, si Pondus in ea ratione esset ad Pondus  $Q$ , quâ  $OL$  est ad  $OH$ , hoc est quantitate quartæ partis hujus Ponderis in ipsam ageret. Atqui si Potentia apposita Puncto  $A$  Rotæ  $ABC$  & impellens versus  $B$ , hanc quartam Ponderis partem suspenderet, eandem rationem ad illam haberet ac Radius Rotulæ  $GD$  habet ad Radium Rotæ  $GA$ , hoc est, ut  $\bar{1}$ . ad  $\bar{3}$ . Ergo hæc Potentia foret ad Pondus  $Q$ , in ratione compositâ rationis  $GD$  ad  $GA$ , &  $OL$  ad  $OH$ , hoc est, secundum Hypothesin, quadrans sextæ partis Ponderis, vel quod idem est, vigesima quarta pars; quod erat demonstrandum.

S C H O L. I.

Jam autem, exindè patet quod, si ad sustinendum Pondus  $Q$ , Potentia apponeretur circumferentiæ tertiæ Rotæ, cujus Rotula modioli occurreret dentibus Rotæ  $ABC$ , hæc eadem Potentia esset ad Pondus  $Q$ , in ratione compositâ rationis semidiametri Rotulæ tertiæ Rotæ, ad Radium istius Rotæ, nec non rationum  $GD$  ad  $GA$ , &  $OL$  ad  $OH$ . Itaque si Radius Rotulæ tertiæ Rotæ esset decima pars hujusce Rotæ, Potentia esset decima pars sextæ partis quadrantis, hoc est 240 pars Ponderis  $Q$ .

S C H O L.



## S C H O L. 2.

Hinc etiam manifestum est eundem effectum sequi, si, loco Potentiæ, apponeretur Circumferentiæ tertiæ rotæ Manubrium RSTUX, cum Rotulâ, cujus dentes occurrerent dentibus Rotæ ABC; Ideoque Potentia esset ad Pondus Q, in ratione compositâ rationis Radii Rotulæ RS, ad Longitudinem TV, & rationum GD ad GA, & OL ad OH.

## S C H O L. 3.

Quoniam Potentia Pondus movens, necessario major eâ est, quæ illud tantum suspendere potest; necesse est etiam majorem ad Pondus habere rationem, eâ, quæ componitur rationibus semidiametrûm Axium sive Rotularum Modioli, ad Rotarum Radios.

## S C H O L. 4.

Quia Pondus quod, ope plurium Rotarum, suspenditur vel movetur, in hæc Rotas diversimodè agit, ad usum magni refert, Axem Pondus sustententem fortiolem, Rotamque illi affixam etiam validiorem esse aliis Axibus vel Rotis, qui tantò debiliores fieri debent quantò à Rotâ, cujus Axis Pondus immediatè fert, removentur.

P R O P.

## P R O P. XXI.

*Dato numero dentium Rotarum, & Rotularum Modioli, reperire quoties Rota, quæ velocius fertur, versabitur, dum ea quæ lentius movetur, semel tantum circumagitur.*

**P**Ræcedens hypothesis iterum assumatur, ponaturque numerum Rotarum dari. Ve. gr. Rota HIK 24. dentes habeat, Fig. 50. Rotula DEF sex dentes, Rota ABC 60, & Rotula Manubrii, quæ circumferentiæ Rotæ ABC apposita, concipi debet, sex tantum habeat. Quæritur nunc quot gyros, Manubrium quod loco Rotæ velocius sese moventis positum est, conficiet, dum Rota HIK quæ lentius movetur semel tantum versabitur.

Numerum dentium, uniuscujusque Rotæ separatim divide per numerum dentium Rotulæ cui occurrit, & sic habebis tot Quotientes quot Rotas. Deinde omnes hosce Quotientes per se ipsos multiplica, Productumque dabit quæsitum. Ut in Exemplo allato, divide 24 qui numerus est dentium Rotæ HIK, per 6. qui est numerus dentium Rotulæ cui occurrit, & Quotiens erit 4. Item divide 60, numerum scilicet dentium Rotæ ABC, per 6, numerum dentium Rotulæ Manubrii, & Quotiens erit 10. Tandem hosce duos Quotientes invicem multiplica, & Productum, habebis 40, qui numerus ostendit quoties Manubrium versabitur, dum semel tantum Rota HIK circumvolvitur.

Dum enim Rota HIK sex dentibus promovetur; Rotula DEF quæ sex dentibus constat, & Rota ABC, gyrum implent unum: Sed dum Rota HIK quæ 24 dentes habet semel circumagitur, rotula DEF & Rotaque ABC, quater circumvolvuntur: Item,  
dum

dum rota ABC sex dentibus promovetur, rotula Manubrii sex dentibus constans, simulque Manubrium tantum semel gyrantur: Et quoniam Rota ABC 60 dentibus constat, sequitur, semel circumvolutâ, Manubrium decies versari: Ergò, cùm Rota ABC, quater circumagitur Manubrium 40 gyros implet: Atqui Rota ABC quater utique gyratur quando Rota HIK semel tantum in orbem agitur, ut modò observatum est: Ideoque, dum Rota HIK unicum gyrum conficit, Manubrium 40 gyros implet: Quod erat demonstrandum.

### S C H O L I U M.

Quoniam, invenimus Manubrium 40 gyros conficere dum Rota HIK semel circumagitur, facillè nunc cognoscemus quanti promoveatur Rota HIK dum Manubrium semel versatur; nam patet eam, quadragessimam partem sui ambitus, percurrere.

### P R O P. XXII.

*Si Planum ad Horizontem inclinetur, quantitate Anguli acuti, qui constituitur Basi & Hypothenusâ Trianguli Rectanguli, & si Potentia Pondus Sphæricum, supra Planum volvere tendens, suspendat, ita ut ejus Linea directionis per Centrum Ponderis transeat, parallelaque sit Horizonti; tum potentia erit ad pondus, ut perpendicularis ad Basim Trianguli.*

**E**STO Triangulus FGH Rectangulus in H, & Basis GH parallela sit Horizonti; per hypothenusam FG transeat Planum ad Horizontem inclinatum, quantitate Anguli FGH, sustineatque in Puncto D, Pondus Sphæricum ABCD, quod versus G moveretur, nisi motui obstaret Potentia, ita appositâ in A, ut Linea

nea sua directionis  $AEC$  per Centrum Ponderis  $E$  transeat, & parallela sit Rectæ  $GH$ , vel Horizonti. Dico, eandem esse rationem Potentiæ ad Pondus, ac perpendicularis  $FH$  ad Basim  $GH$ .

Ducatur à Centro  $E$  ad Punctum contactûs  $D$ , recta  $ED$  quæ perpendicularis erit rectæ  $FG$ . Deinde ducatur recta  $EN$  Horizonti perpendicularis; quæ simul erit perpendicularis Basi  $GH$  Lineaque directionis Ponderis  $ABCD$ . Tandem à Puncto contactûs ducantur rectæ  $DI$ ,  $DL$ , perpendiculares Lineis  $EN$ ,  $EC$ .

Quoniam Potentia quæ agit in  $A$ , ad Pondus  $ABCD$  sustinendum, ab aliâ, quæ in quocunque alio Puncto Lineæ directionis, Ve. gr. in  $L$ , ageret, ad idem Pondus sustinendum, diversa non est; & quia non mutatur effectus Corporis gravis  $ABCD$ , totam suam gravitatem colligendo in Centro  $E$ , sive in quocunque alio Puncto Lineæ suæ directionis, ut in  $I$ : sequitur Potentiam in  $A$  esse ad Pondus  $ABCD$ , ut alia Potentia ad idem Pondus quæ, in  $L$  apposita, totam ejus gravitatem in Puncto coadunatam sustineret. At quoniam hæc altera Potentia in  $L$ , Pondus in  $I$  sustinere posset, Vecte incurvato  $LDI$ , cujus Punctum fixum foret  $D$ ; ejus distantia esset  $DL$ , & distantia Ponderis  $DI$ ; & quia, per 10 Prop. hæc Potentia eandem rationem haberet ad Pondus ab ipsâ ita suspensum, ac  $DI$  ad  $DL$ ; sequitur, Potentiam in  $A$  esse ad Pondus  $ABCD$ , ut  $DI$  ad  $DL$  aut  $IE$  æqualem. Sed, cum Triangulum  $DEM$  sit Rectangulum & ab Angulo recto  $D$  in Basim cadat perpendiculariter recta  $DI$ , Triangulum  $DIE$  sic assimilatur Triangulo  $DIM$ , quod cum duos Angulos  $DIM$  &  $DMI$ , habeat æquales duobus Angulis  $GNM$ , &  $GMN$ , Trianguli  $GMN$ ; sequitur Triangulum  $DIM$  assimilari Triangulo  $GMN$ , & consequenter Triangulo  $FGH$  cui Triangulus iste similis est.

Ideoque

Ideoquæ à primo ad ultimum, sequitur Triangulum  $DIE$  simile esse Triangulo  $FGH$ ; consequenterque  $FH$  esse ad  $GH$  ut  $DI$  ad  $IE$ . Sed jam demonstratum fuit Potentiam in  $A$  esse ad Pondus  $ABCD$ , ut  $DI$  ad  $IE$ . Ergò hæc eadem Potentia est ad Idem Pondus, ut  $FH$  ad  $GH$ : Quod erat demonstrandum.

### C O R O L L A R I U M.

Inde patet, quod, si Angulus  $FGH$  semi-recto minor sit, Potentia quoque minor erit Pondere; Nam tunc  $FH$  minor est  $GH$ . Si autem Angulus iste  $FGH$  semi-rectus sit, Potentia erit æqualis Ponderi, siquidem  $FH$  erit æqualis  $GH$ . Denique, si Angulus  $FGH$  semi-recto major sit, Potentia major etiam erit Pondere, cum in hoc casu  $FH$  major sit  $GH$ . Igitur, quando Linea directionis parallela est  $GH$  sive Horizontali, facilius est Plano inclinato uti, modò Angulus semi-recto minor sit, verùm si major sit semi-recto difficilius est Pondus supra istud Planum sustinere, quàm id hucusque absque ulla Machina adducere.

### S C H O L I U M.

Jam si concipiamus, Potentiam in  $A$  non pellere Corpus  $ABCD$  versùs  $C$ , ut antea; sed Punctum  $C$  adduci fune  $LOP$ , sustinente Pondus ab extremo  $P$  liberè pendens, transeunteque supra Trochleam  $O$ , partemque  $CO$  parallelam esse  $GH$ , sive Horizonti: Tunc, quoniam Pondus  $P$  æquari deberet Potentiæ in  $A$ , ut idem produceretur effectus, sequeretur Pondus  $P$  esse ad Pondus  $ABCD$ , ut  $FH$  ad  $GH$ .

PROP.



## P R O P. XXIII.

*Jam autem, si Potentia adeò apponatur, ut Linea directionis per Centrum ponderis transeat, parallelaque sit Hypothenusæ Trianguli Rectanguli, tunc eadem erit ratio potentia ad pondus, ac perpendicularis ad Hypothenusam.*

**E**STO Basis GH Trianguli Rectanguli FGH parallela Horizonti, & per Hypothenusam FG transeat Planum inclinatum quantitate Anguli FGH, pondusque Sphæricum, Planum puncto D tangens, adeo sustineatur potentia appositâ in A, ut Linea sua directionis AEC, quæ per Centrum E transit, parallela sit Hypothenusæ FC. Dico potentiam esse ad pondus, ut perpendicularis FH ad Hypothenusam FG. Fig. 53.

A Centro E, ad punctum contactus D ducatur, recta ED perpendicularis FG. Deinde ducatur recta EN, Horizonti perpendicularis, quæ simul erit perpendicularis Basi GH, & Linea directionis ponderis ABCD. Tandem, à puncto D in EN perpendiculariter cadat Linea DI.

Quoniam potentia quæ agit in A ad sustinendum pondus ABCD, diversa non est ab eâ, quæ, in quodvis aliud Lineæ directionis punctum ut in E ageret, ad idem pondus suspendendum; & quoniam non mutatur effectus Corporis gravis ABCD, totam suam gravitatem in Centro E colligendo, aut in quovis alio puncto Lineæ suæ directionis, ut in I: Sequitur, potentiam in A esse ad pondus ABCD, ut altera potentia, quæ appositâ in E, totam gravitatem puncto I collectam sustineret, est ad idem pondus. Quandoquidem autem hæc altera potentia pondus in I suspendere posset, Vecte incurvato EDI, cujus punctum fixum esset D, ejus distantia DE,

DE, & distantia ponderis DI; nec non per  
 10 Prop. hæc eadem potentia eandem rationem ha-  
 beret ad pondus ita suspensum, quàm DI ad DE:  
 Inde sequitur, potentiam in A esse ad pondus  
 ABCD, ut DI ad DE. Sed quoniam ab An-  
 gulo Recto Trianguli Rectanguli EDM, Linea DI  
 perpendiculariter cadit in Basim EM, Triangulum  
 DIE simile est Triangulo DIM, quod cum duos  
 Angulos DIM, & DMI, æquales habeat duobus  
 Angulis GNM, & GMN, Trianguli GMN:  
 Sequitur Triangulum DIM, simile esse Triangulo  
 GMN, & consequenter Triangulo FGH, cui  
 Triangulum GMN affimilatur. Ideoque, à primo  
 ad ultimum, sequitur Triangulum DIE affimilari  
 Triangulo FGH, & consequenter rectam FH esse  
 ad FG, ut DI ad DE. Sed antea demonstratum  
 fuit potentiam in A esse ad pondus ABCD, ut  
 DI ad DE. Ergò hæc eadem potentia est ad idem  
 pondus ut FH ad FG: Quod erat demonst-  
 randum.

## C O R O L. 1.

Inde liquet, quod, qualiscunque sit Angulus FGH,  
 potentia semper erit minor pondere, modò ejus Li-  
 nea directionis parallela sit Hypothenusæ, utique  
 enim perpendicularis FH minor est Hypothenusâ  
 FG.

## C O R O L. 2.

Hinc etiam patet quòd si Corpus ABCD non  
 concipiatur suspensum, potentiâ appositâ in A &  
 impellente versùs C, ut antea; sed sustineri & re-  
 tineri superficie QR, quæ illud tangit in A, gravi-  
 tas relativa Corporis, quâ superficies premitur, erit  
 ad ejus gravitatem absolutam quâ fertur ad Centrum  
 Terræ,

Terræ, ut FH ad FG. Nam per 7 Def. perspicuum est pressionem Corporis ABCD in superficiem QR, æquari potentia in A, ambo enim corpus hoc sustinent, & illius volutionem impediunt, ideoque eandem rationem ad gravitatem absolutam hujus Corporis habent.

## S C H O L. I.

Jam si potentiam in A corpus ABCD versus C impellere, uti supra, non concipiamus, sed punctum C istius corporis adduci fune COP, cujus extremo appensum sit pondus P, & funis supra Trochleam O transeuntis partem CO, parallelam fore Hypothenusæ FG: Tunc, quoniam hoc pondus æquari deberet potentia in A, ut idem produceretur effectus, sequitur pondus P fore ad pondus ABCD, ut FH ad FG.

## S C H O L. 2.

Jam verò si funem punctum C trahere non concipiamus, uti modò ponebatur, sed alium funem alteri extremo alligari puncto B, nempe extremitati Diametri DEB, & postquam transferit supra Trochleam similem Trochleæ O, quæ partem funis parallelam facit FG, pondus alteri extremo appendatur: tunc, quia pondus potentia, cujus distantia esset recta DB, officio fungeretur, facile est concludere fore ad pondus ABCD, in ratione DI ad DB, aut FH ad duplum FG, quæ ratio, uti patet, dimidia est rationis DI ad DE, vel FH ad FG. Unde sequitur quod si potentia in B apponatur ad sustinendum pondus ABCD, dimidia esse debeat illius quæ in A esset apponenda, ut idem producat effectus.

## S C H O L. 3.

Magni interest sedulò animadvertere, punctum unicum D Plani inclinati FG pondus  
*Fig. 54.* ABCD sustinere. At quoniam punctum istud commune est Plano & Sphæræ QDR, cujus FG est Tangens, sequitur quod si potentia apposita puncto A, ponderis Sphærici ABCD, pondus hoc sustineat, cum fulcitur corpore Sphærico QDR, erit eadem ratio potentiae ad pondus ABCD, quam FH ad FG.

## S C H O L. 4.

Item, si aliæ potentiae quotvis corporibus ponderosis & Sphæricis, ut sunt STUB, XYZT, quæ sibi invicem insistant, Ve. gr. QDR in ABCD apponerentur; eâ conditione ut Linea directionis cujusvis potentiae transiret per Centrum ponderis cui apponitur, & parallela foret FG; sequitur eandem esse rationem cujusvis potentiae ad pondus ab eâ suspensum ac FH ad FG: Undè patet omnes potentias simul sumptas esse ad omnia pondera simul sumpta, ut FH ad FG.

## S C H O L. 5.

Supponamus nunc ad latera Corporum Sphæricorum ABCD, BSTV, TXYZ similem ordinem similium corporum apponi, velut ille est qui constat corporibus Sphæricis 1. 2. 3. quorum prius tangit Planum inclinatum FG, & eodem tempore sustinet secundum, & hoc tertium. Quibus positis, quoniam certum est potentias appositas punctis A, S, X, priorum Globorum, uti posse Radiis AC, SV, & XZ, ad sustinenda corpora 1, 2, 3; & quia  
 certum

certum quoque est, tantum vis necesse esse ut hæc nova corpora suspendantur, ac necesse erat ut priora sustinerentur, dubitari etiam non potest, quin opus sit potentiis duplo priorum majoribus ad sustinendum eodem tempore ambas horum Corporum Sphæricorum series. Unde sequitur rationem omnium harum potentiarum ad omnia pondera simul sumpta, semper similem esse rationi FH ad FG.

## S C H O L. 6.

Serium igitur numerum triplicando, quadruplicando, multiplicandove toties quoties placebit, manifestum est vires potentiarum eadem ratione multiplicandas esse; ita ut in genere dici possit, quod si Planum inclinatum quovis series Corporum Sphæricorum prout dictum fuit dispositorum ferat; & potentiis, ut dictum est, appositis, sustineantur; semper eadem erit ratio omnium potentiarum ad omnia pondera, ac FH ad FG.

## S C H O L. 7.

Jam si non concipiamus punctum A primi corporis seriei plurium Corporum Sphæricorum prorsus æqualium, supra Planum inclinatum insistentium, potentiâ pelli, cujas Linea directionis per Centra omnium corporum transeat, parallelaque sit Plano FG, verum cogitemus hæc omnia corpora gravia trajici fune per eorum Centra transeunte, sustinenteque pondus R ab extremo P liberè pendens, qui funis adducatur desuper Trochleam O, cujus ope pars CO Plano inclinato parallela est: Tunc, quoniam pondus æquari debet potentix in A, ut eundem effectum producat, sequitur pondus hoc eandem habere rationem ad omnia corpora inter A & C comprehensâ, ac FH ad FG.

F 2

SCHOL.



## S C H O L. 8.

Jam autem si cogitemus, vice ponderis, parti funis  $OP$  appensi, plura apponi pondera ut  $P, Q$ , quorum quodlibet æquale sit, cuilibet eorum seriem  $AC$  componentium; perspicuum est, eorum gravitatem æquari debere gravitati ponderis  $R$ , quod in Schol. præc. puncto  $P$  appendi ponebatur; ut in æquilibrio sint cum ponderibus seriem  $AC$  componentibus; & consequenter gravitatem ponderum  $P, Q$ , esse ad gravitatem ponderum  $AC$ , ut  $FH$  ad  $FG$ . Quandoquidem enim hæc omnia pondera æqualia supponuntur, impossibile est gravitatem ponderum  $P, Q$ , fore ad gravitatem ponderum  $AC$ , in ratione  $FH$  ad  $FG$ , nisi Linea  $PQ$  sit ad Lineam  $AC$ , in eadem ratione. Impossibile est igitur pondera  $P, Q$ , in æquilibrio esse cum ponderibus  $AC$ , quin Linea  $PQ$  &  $AC$  inter se sint ut  $FH$  ad  $FG$ .

## P R O P. XXIV.

*Si duo Plana, ad Horizontem inclinata quantitate duorum Angulorum acutorum, quos supra Basim Horizonti parallelam latera Trianguli faciunt, ferant duo pondera sphaerica; quæ ambo se se mutuo suspendant & in æquilibrio sint ope funis eorum centra trajicientis, parallelaque Basi Trianguli; hæc duo pondera erunt inter se ut partes Basis sectæ, perpendiculari ductâ ab Angulo ad Basim opposito.*

**E** S T O Triangulum  $ABC$ , cujus Basis  $BC$  parallela sit Horizonti; per latera  $AB, AC$ , duo Plana transeant, inclinata ad Horizontem  
 Fig. 56. quantitate Angulorum acutorum  $ABC, ACB$ ; supra Plana insistant pondera duo  $D$  &  $E$ , quæ, se se mutuo sustinendo fune  $FG$ , trajiciente centra, parallelaque Basi, sint in æquilibrio:  
 tandem

tandem ducta sit ab Angulo A, opposito ad Basim BC, Linea AH perpendicularis ad eandem Basim: Dico pondus D esse ad pondus E ut BH ad HC.

Quoniam enim pondera D & E in æquilibrio manere se mutuò cogunt, pondus D neque majori neque minori vi funem FG trahit quam pondus E. Quare, si secaretur Funis in quocunque puncto, ut I, & utrâque parte FI, GI, porrectâ transirent ambæ supra Trochleam L, adeo ut FI, in N & GI in M extendere-  
tur: necessario ad sustinendum pondus D, apponendum esset pondus in N, æquale ponderi apponendum in M, ad pondus E sustinendum: Pondera igitur N & M æqualia sunt. Atqui per 22 Prop. pondus D est ad pondus N, ut BH ad AH. Ac per consequens idem pondus D est etiam ad pondus M, ut BH ad AH. Præterea, per eandem Prop. Pondus M est ad pondus E, ut AH ad HC. Ergò tres Magnitudines habemus ab una parte, scilicet pondus D, pondus M, & pondus E, proportionales tribus aliis, nempe BH, AH, & HC. Ideo, ex æquo, pondus D est ad pondus E, ut BH ad HC. Quod erat demonstrandum.

### P R O P. XXV.

*Fam verò, si Funis qui pondera sustinet, transeat supra Trochleam, quæ illam ita plicet, ut ejus partes parallelæ sint Planis inclinatis. Tunc pondera erunt inter se, ut latera trianguli quibus insistant.*

**E**STO Triangulum ABC, cujus Basis BC parallela sit Horizonti. Per latera AB, AC, transeant duo Plana inclinata ad Horizontem quantitate Angulorum acutorum *Fig. 57.* ABC, ACB. Supra Plana insistant duo pondera D & E. Et funis, cujus ope in æquilibrio suspenduntur corpora, transeat supra Trochleam L,

quæ ita plicet eam, ut pars FI, parallela sit BA;  
& pars IG parallela AC. Dico pondus D esse ad  
pondus E, ut BA ad AC.

Quoniam enim pondera D & E se invicem in  
æquilibrio permanere cogunt, pondus D neque ma-  
jori neque minori vi funem trahit quàm pondus E.  
Quare, si funis in quocunque puncto, ut in I, seca-  
retur, & ejus partes FI, GI porrigerentur, ac  
suprà Trochleam L transirent, adeò ut FI, in N  
& GI in M terminarentur: necessariò, ad sustinen-  
dum pondus D, apponendum esset pondus in N,  
æquale ponderi apposito in M, ad pondus E susti-  
nendum. Ideoque ratio ponderis D ad pondus M  
eadem esset ac ratio ejusdem ponderis ad pondus N.  
Atqui, ductâ ab Angulo A perpendiculari AH su-  
pra Basim BC, sequitur per 22 Prop. pondus D esse  
ad pondus N, ut BA ad AH. Ergò idem pondus  
D est etiam ad pondus M, ut BA ad AH. Præ-  
terea per eandem Prop. Pondus M est ad pondus E;  
ut AH ad AC. Habemus igitur ab unâ parte tres  
Magnitudines, nempe pondus D, pondus M &  
pondus E, proportionales tribus aliis, videlicet BA,  
AH & AC. Ideoque ex æquo pondus D est ad  
pondus E ut BA ad AC. Quod erat demon-  
strandum.

PROP.

## P R O P. XXVI.

*Si Planum inclinatum ad Horizontem quantitate Anguli acuti quem facit hypotenusâ trianguli rectanguli cum Basi suâ, Horizonti parallela, ferat Pondus Sphæricum suspensum potentiâ, cujus Linea directionis parallela sit ad Planum inclinatum: Ratio gravitatis absolutæ ponderis ad gravitatem relativam quâ Planum premitur, eadem est ac ratio hypotenusæ trianguli rectanguli ad Basim.*

**E**STO Triangulum  $FGH$  Rectangulum in  $H$ , & Basis  $GH$  parallela horizonti; per hypotenusam  $FG$  transeat Planum inclinatum ad Horizontem quantitate Anguli *Fig. 58.* acuti  $FGH$ ; & Planum istud in puncto  $D$  ferat pondus Sphæricum  $ABCD$  suspensum potentiâ adeò apposita in  $A$ , ut Linea sua directionis  $AEC$  transeat per Centrum ponderis  $E$ , parallelaque sit  $FG$ . Dico eandem esse rationem gravitatis absolutæ ponderis  $ABCD$  ad gravitatem relativam quâ Planum inclinatum premit ac  $FG$  ad  $GH$ .

Auferatur potentia quæ erat in  $A$ , verùm ad sustinendum pondus  $ABCD$ , ponatur ejus loco superficies  $LAON$ , perpendicularis  $AC$ , & consequenter  $FG$ . Deindè à quocunque puncto, ut  $L$ , cadat perpendiculariter ad  $GH$ , recta  $LM$ , producta si opus sit.

Quoniam posito pondere  $ABCD$  supra Planum inclinatum  $FG$ , sequitur per 2 Corol. 23 Prop. gravitatem ejus absolutam esse ad gravitatem relativam quâ premit superficiem  $LAON$ , ut  $FG$  ad  $FH$ : per idem Coroll. sequetur etiam, posito eodem pondere supra Planum inclinatum  $LAON$ , gravitatem ejus absolutam esse ad gravitatem relati-

vam quâ premit superficiem FG, ut LN ad LM. Sed quia Triangula LMN & FGH, æquiangula sunt, utpote æquiangula Triangulo GON: Ratio LN ad LM eadem est ac ratio FG ad GH. Igitur, gravitas absoluta ponderis ABCD est ad gravitatem relativam quâ premit Planum FG, ut FG ad GH; Quod erat demonstrandum.

## S C H O L. I.

Si Funis alligetur in C, & transiens supra Trochleam R (à quâ plicatur ita ut pars ejus  
Fig. 58. CR parallela sit FG) ab extremo ferat pondus S, in eâ ratione ad pondus ABCD, quâ FH est ad FG; sequitur per 1 Schol. 23 Prop. pondus S fungi officio potentia in A vel superficiei LAON, & impedire quominus pondus ABCD versus T promoveatur, quando Superficies LAON sublata erit. Item, si Funis revinciatur in B, & transiens supra Trochleam P, pars BP itâ plicetur ut parallela sit LN, & ab extremo ferat pondus Q in eâ ratione ad pondus ABCD quâ LM est ad LN: sequitur, per idem Schol. Pondus Q fungi officio Superficiei FG, & impedire quominus pondus ABCD ullo modo promoveatur versus V, quando Planum FG sublatum erit: Igitur pondus ABCD suspensum est funibus PB, CR. Atqui hoc posito, facile est ostendere pondus Q esse ad pondus S ut GH ad FH. Nam ex hypothesi, pondus Q est ad pondus ABCD ut LM ad LN, vel ut GH ad FG. Præterea, pondus ABCD est ad pondus S, ut FG ad FH. Habemus ergo ab una parte tres Magnitudines, nempe pondus Q, Pondus ABCD & Pondus S, proportionales tribus aliis, GH, FG & FH. Ideoque ex æquo Pondus Q est ad Pondus S, ut GH ad FH.

S C H O L.



## S C H O L. 2.

Hic notandum est Potentiam in A suppositam, vel Superficiem LAON ejus loco constitutam, non obstare quin pondus ABCD plus minusve ponderet in Planum inclinatum FG, sed ansam præbere illud considerandi quasi gravitans in unicum punctum superficiei. Ideoque, licet pondus volvatur absque impedimento supra Planum inclinatum FG, reverâ plura puncta Plani vicissim premet, sed ratio gravitatis suæ ad gravitatem relativam quâ premet punctum Plani quò pervenerit, semper eadem erit, hoc est, ut FG ad GH.

## C O R O L. 1.

Inde elicere est, quod si Corpus Sphæricum obliquè feratur ad Superficiem Planam Corporis, ratio totius ejus vîs ad vim quâ collidit superficiem eadem erit ac ratio Radii Circuli ad Sinum Anguli incidentiæ Corporis moventis. Ex. Ca.

Fig. 59.

Moveatur Pondus Sphæricum A secundum Lineam AM, & Angulum incidentiæ faciat cum superficie Plana BE corporis BCDE. Deinde describatur à Centro M, quocunque intervallo, ut MI, Circulum IK; & à Puncto I, perpendiculariter cadat in MK, Linea IL, quæ Sinus erit Anguli incidentiæ AME. Dico eandem esse rationem totius vîs corporis mobilis A, ad vim particularem qua concutiet corpus BCDE, ac Radii Circuli MI, ad Sinum IL, Anguli incidentiæ.

Producatur MI ad quodvis Punctum ut N, Ab hoc Puncto ducatur Linea GNH perpendicularis IN; & à Puncto H ad libitum sumpto ducatur Linea HF perpendicularis GH, & parallela MN.

Si

Si vis movendi Corporis A consideretur ut Pondus, motum illius versus N dirigens, Linea GNH pro horizontali accipi poterit, FH pro recta perpendiculari horizonti, & FG pro Plano inclinato. Deinde, manifestum erit, per præc. Prop. quod collisio Corporis A contra Planum FG, non differat à pressione Corporis ABCD, figuræ præcedentis, in Planum FG ejusdem figuræ. Ideoque, hîc etiam ratio totius vîs quâ movetur Corpus A, est ad vim particularem quâ collidit in Planum FG, ut FG ad GH. At, quia recta MF secat parallelas NMI & HF & Anguli alterni MFH & IML æquales sunt inter se; & præterea, quoniam Anguli GHF & ILM recti sunt, ideoque Triangula FGH & MIL, æquiangula, sequitur FG esse ad GH ut MI ad IL, & consequenter rationem totius vîs quâ fertur Corpus A, ad vim quâ collidit in Planum FG aut superficiem BE Corporis BCDE, esse eandem ac rationem MI ad IL; Quod erat demonstrandum.

## C O R O L. 2.

Hîc etiam determinari potest vis Corporis Sphærici sese moventis intra Angulum à duobus Corporibus se se Tangentibus constitutum, ad hæc duo Corpora diducenda, quæ eorum diductioni resistant quantitate vîs datæ: & ostendi potest Rationem vis Corporis Sphærici ad resistantiam duorum hujuscemodi Corporum, non multò majorem esse ratione Sinûs Anguli à duobus hisce Corporibus comprehensi, ad dimidium Sinûs ejus complementi duobus rectis. Quæ ut ostendantur.

Sint duo Corpora CBEF & CDGH adeò juncta in Puncto C, ut Angulum constituent BCD, diductionique sive incremento Anguli obstant quantitate vîs datæ. Præterea, Corpus Sphæricum adeo moveatur intra Angu-

Fig. 6o.

Angulum BCD ex A versus C, ut ejus Linea directionis IC Angulum hunc bifariam dividat. Jam ostendere oportet corpus A corpora CBEF, & CDGH diducere posse, modò ratio vis suæ ad vim resistentiæ horum corporum, paulò major sit ratione Sinûs Anguli BCD ad dimidium Sinûs complementi duobus rectis.

A Centro I, ad Puncta K & L, ubi Lineas CB, CD Corpus Sphæricum tangit, ducantur rectæ IK, IL; versus Q producat IK, & à Puncto L in IQ perpendiculariter cadat recta LP, & junctis Lineâ recta KL, Punctis K & L, à Centro I ducatur NIO parallela KL.

Quoniam rectæ IK, IL, à Centro I ducuntur ad Puncta contactûs K & L, sequitur Angulos IKC & ILC rectos esse, & Triangula IKC & ILC, Angulos ad C æquales & Lineam IC communem habentia, æqualia esse inter se. Ideoque Angulus CIK æquatur Angulo CIL. Jam, quia Triangulorum IKM & ILM latera IK, IM, æquantur lateribus IL, IM, & Angulus MIK Angulo MIL: Basis MK erit æqualis Basi ML, Angulus IKM Angulo ILM; & Angulus IMK Angulo IML. Igitur recta CI perpendicularis est KL, & consequenter NO ipsi KL parallela. Præterea, si ab Angulis OIC & NIC inter se æqualibus demantur Anguli LIM & KIM, reliqua LIO, KIN inter se erunt æqualia. Ideoque Angulus LIQ duplus est Angulo LIO. Præterea, quoniam ab Angulo Recto Trianguli Rectanguli CIO, perpendicularis IL cadit supra Basim CO, quæ Triangulum hoc dividit in dua alia nempe ILC, ILO toti & inter se similia; quamobrem Angulus LIO æquatur Angulo LCI, & consequenter Angulus totus LIQ æquatur toti Angulo LCK: Præterea quoniam in Trapezio CLIK, quatuor Anguli quatuor Rectis æquantur, & quia duo CKI, & CLI recti sunt;

sunt; sequitur duos alios LCK & LIK simul sumptos duobus Rectis etiam æuari, & alterutrum Angulum alterius esse complementum duobus Rectis. Igitur Angulus MIL est dimidium complementi duobus Rectis Anguli LCK aut BCD aut LIQ æqualis. Tandem in circulo KSL manifestum est LP Sinum esse Anguli LIQ, aut æqualis BCD. Ergo nunc demonstrandum superest corpus Sphæricum A corpora CBEF, CDGH diducere posse, modò Ratio vis suæ ad resistantiam horum corporum, paulo major sit Ratione LP ad LM. Hoc autem haud difficile erit si ab una parte consideremus, vim quâ ambo corpora CBEF, CDGH, diductioni suæ obstant, idem prorsus efficere ac gravitas vi isti æqualis, quæ Puncto K apponeretur, & cujus Lineâ directionis esset recta KIP, Tangens scilicet circuli cujus centrum esset C quæque repelleret corpus A versus corpus CDGH, dum istud Planè immotum foret. Et ab alia parte, vim quâ corpus A movetur, nihil amplius agere Potentiâ æquali, appositâ centro I hujus corporis, quæ IC pro Linea directionis haberet. Nam, per Coroll. 4. Axiom. hæc gravitas in K æuari debet Potentiæ quæ apponeretur, ut eundem effectum ac ipsa produceret. Item, Potentia in I æuari debet ei quæ apponenda esset in M, ut eundem ac ipsa producat effectum. Atqui positâ gravitate in P & Potentiâ in M, habemus vectim incurvatum MIP, cujus Punctum fixum est L, distantia Potentiæ ML, & distantia Ponderis LP: Itaque, per 10 Prop. Ratio Potentiæ quæ esset apponenda in M, ut superetur resistantia quâ gravitas in P huic gravitati obstat, non multò major esset ratione LP ad LM. Positis igitur vi corporis A vice Potentiæ in M, & vi, quâ, corpora CBEF, CDGH diductioni suæ resistunt, vice gravitatis in P: verum etiam erit Rationem prioris vis ad secundam non multò majorem

jorem esse ratione LP ad LM, hoc est, Sinus Anguli BCD, ad Sinum Anguli CIL, qui Angulus dimidium est ejus complementi duobus Rectis; Quod erat demonstrandum.

## C O R O L. 3.

Igitur quò major est Angulus BCD, eò, major est etiam vis corporis A respectu resistantiæ eorundem corporum CBEF, CDGH; quia Sinus Anguli BCD tantò major sit, & Sinus dimidii complementi tantò minor est.

## C O R O L. 4.

Inde etiam sequitur quod si corpora CBEF, CDGH se se disjungerent in C, vi corporis mobilis A, non remotis eorum extremis B & D: Tunc corpus A tanta vi non indigeret ad ea prorsus diducenda ac in initio egebat: cum perspicuum sit Angulum à Rectis BC, DC productis constitutum eo minorem fieri quò Mobile versus C promovetur, & è contra dimidium complementi sui duobus rectis majorem fieri.

## P R O P. XXVII

*Si Potentia, cujus Linea directionis parallela est Horizonti, pondus sustineat ope Cunei cujus alterutrum Planum parallelum est etiam Horizonti; hæc Potentia erit ad pondus suspensam ut perpendicularis Cunei ad suam Basim.*

**E**STO Cuneus FGH, Rectangulus in G, & alterutrum Planum nempè GH apponatur Superficie Horizontali LM; potentiaque, cujus Linea directionis parallela est Fig. 61.



est LM, apposita sit Plano FG, ad sustinendum corpus grave ABCD, quòd, præterea, à C versus H volvi nequeat propter Planum IL perpendicularem Horizonti, in quod, puncto B, nititur. Insuper, cuneus FGH facile negotio moveri possit supra Planum horizontale LM, & affrictus corporis ABCD in Plana FH, IL non impediat, quominus corpus istud contra hæc Plana haud difficulter moveatur. Dico eandem esse rationem Potentiæ in FG ad pondus ab ipsâ suspensum, ac perpendicularis FG ad Basim GH.

Quoniam enim corpora se se tangentia mutuoque suspendentia, æquè & reciprocè pelluntur partibus quibus se tangunt; & quia corpus grave ABCD neque plus neque minus pellit Planum FH, in C, quàm ab ipso Plano & in eodem Puncto pellitur: sequitur Potentiam cujus Linea directionis parallela esset LM, aut GH, quæque, appositâ in FG, corpus ABCD suspenderet, æqualem esse alteri Potentiæ, cujus Linea directionis foret BD parallela GH, quæque, appositâ Puncto B, idem corpus sustineret. Atqui, per 22 Prop. hæc Potentia in B Pondus ABCD sustinens, esset ad idem Pondus ut FG ad GH. Ergò Potentia in FG, est ad idem Pondus, ut perpendicularis cunei ad Basim suam; Quod erat demonstrandum.

## C O R O L. I.

Indè sequitur, quod Potentia apposita perpendiculariter superficiei FG cunei FGH, ita ut cuneum pellendo, Pondus ABCD sursùm versus tollatur, paulò majorem Rationem habebit ad Pondus, quàm FG ad GH; cùm certum sit, Potentiam quæ corpus movet, necessariò paulò majorem esse debere eâ quæ illud tantùm suspendit.

## C O R O L.

## C O R O L. 2.

Indè etiam sequitur quod Potentia eò minor evadat respectu Ponderis quod sustinet, quò acutior est Angulus  $FHG$ : Nam quò Angulus iste minor, eò perpendicularis  $FG$  fit minor, respectu Basis  $GH$ .

## S C H O L. 1.

Sæpiùs quidem cuneo utimur est ad corpora findenda quàm ad ipsa evehenda. Sed hîc supervacaneum foret aliquid particularis iterum observari, cùm facillimum sit doctrinam Propositionis præcedentis huic usui accommodare: Nam perspicuum est alterutram partem corporis quod finditur, pro Plano Horizontali, & resistantiam, quæ ab alterâ parte diductioni obstat, pro Pondere, cujus Linea directionis est Linea perpendicularis ad priorem partem, haberi posse.

## S C H O L. 2.

Cùm nunquam cuneus agat, nisi lubrico motu quo fertur in partes corporum quæ diducuntur, liquet attritum hîc magis quam in præcedentibus Machinis animadvertendum esse. Quare, ut impedimenta, quantum fieri poterit removeantur, cunei materiâ admodum lubricâ fieri debent.

## S C H O L. 3.

Ex iis quæ huc usque de motibus in Planis inclinatîs dicta sunt, facile videre est difficultatem movendi, in corpore ab alio attrito, non aliunde oriri quam ab ipsarum superficierum scabritie, diversoque situ particularum quæ superficies componunt, quæque  
longè

longè aliter ac ipsæ totæ disponuntur; cùm etiam-  
num quædam illis sint perpendiculares. Igitur,  
quando hæ particulæ sibi invicem occurrunt, im-  
possibile est motum inceptum continuari quin par-  
ticulæ mutuò rumpantur, plicenturve saltem, aut  
situm immutent. Quocunque autem modo hæ  
fiant; non nisi cum magna difficultate fieri possunt;  
Unde evidenter colligitur cuneos optimos materiâ  
constare durissimâ, & lævigationi aptissimâ.

#### S C H O L. 4.

Positis quæ modò dicta sunt in Schol. præced.  
haud difficile est judicare cui rei utilia sint olea &  
unguina quibus superficies Machinarum se se mutuò  
tanguntium perfricantur, ut facilius moveri queant.  
Nam manifestum est fieri non posse quin partes un-  
guinum omnes fermè machinarum superficie cavi-  
tates impleant, ita ut multo minus scabrosâ sit. His  
adde quod partes quædam horum Unguinum, quasi  
totidem palangæ sint quibus partes Machinarum  
erga se invicem, sine ullo fere contactu move-  
antur.

#### P R O P. XXVIII.

*Si Potentia pondus Cochleâ sustineat, hæc Potentia ad  
pondus erit, ut altitudo Cochleæ ad Lineam toties ejus  
ambitum continentem, quot sunt gradus aut helices in  
ejus altitudine.*

**E**STO Cochlea digitalis altitudinis; & in hac  
altitudine sint duodecim gradus aut helices;  
ejusque ambitus sesqui-digitalis sit. Dico, Poten-  
tiam hanc Cochleâ Pondus suspendentem, esse ad  
idem Pondus ut 1. ad 18. cùm duodecies sesquidi-  
giti, 18. digitos constituent.

Nam

Nam Cochlea nihil aliud est quàm Planum inclinatum circa Cylindrum volutum: inclinatio huius Plani est inclinatio unius gradus Cochleæ: ejus perpendicularis est altitudo Cochleæ: & Basis ejus est evolutio circuitus Cochleæ toties, quot gradus ipsa continet. Itaque quidquid hîc proponitur id ipsum est quod in Propositione præcedenti ostensum fuit. Si igitur Potentia, &c.

## C O R O L. 1.

Exinde manifestò sequitur, quod Potentia quæ pondus Cochleâ suspendit eò minor esse debet, quò magis Cochleæ gradus pressi sunt. Nam altitudo Cochleæ eò minor est respectu Lineæ ab evolutione graduum productæ, quò majorem graduum numerum continet.

## C O R O L. 2.

Hinc etiam evidenter liquet Potentiam, quæ pondus Cochleâ sursum feret, non multò majorem ad pondus habituram esse rationem quàm altitudo Cochleæ ad Lineam ab ejus graduum evolutione productam: Hæc enim Potentia non multò major esse debet eâ quæ pondus tantum sustinere potest.

## S C H O L. 1.

Quod in usu plerumque expertum sit Vim multò majorem requiri ad pondus Cochleâ movendum, quàm ad illud tantum suspendendum; hoc oritur solummodò ab affricu Machinæ, nam utique præcedens Argumentum valet.

## S C H O L. 2.

Rarò adhibetur tantum Cochlea, ad corpus quoddam movendum aut sustinendum. Ferè semper enim illam conitatur receptaculum quoddam striatum circa Cochleam versatile, aut intra quod circumagi potest Cochlea. Horum autem communior usus est premendi corpus intra alia duo. Sed quoniam Artes innumeræ præbent exempla quæ multò meliùs instruere possunt quàm qualibet argu-

menta, verbum non amplius addam, & Lectoris investigationi relinquam quid in ejusmodi Machinis locum corporis gravis & Potentiæ occupet; ut ipse rationes & consequentias Propositionis præcedentis ad usum revocet.

P R O P. XXIX.

*Liquor gravis in Tubo æqualis crassitie, & Horizonti perpendiculari contentus, deorsum fertur ad exeundum, vi proportionali suæ intra Tubum altitudini.*

**E** S T O Tubus  $AB$  æqualis crassitie & perpendicularis Horizonti: Clauso foramine  $B$ , impleatur pars hujus Tubi Liquore gravi.  
*Fig. 62.* Dico Liquorem hunc niti ad exeundum per foramen  $B$ , vi altitudini suæ proportionali: hoc est, quòd si, Ve. gr. totum spatium  $BE$  quod triplum est spatio  $BC$ , impletum sit, liquor egredi conabitur per foramen  $B$ , vi triplâ illius quâ ad exitum tenderet, si spatium  $BC$  non excederet.

Nam manifestum est vim quâ Liquor in Tubo contentus, ad exeundum nititur, proportionalem esse gravitati suæ. Atqui hæc gravitas proportionalis est quantitati Liquoris, & hæc quantitas proportionalis est altitudini Liquoris in Tubo contenti: Ideoque vis quâ Liquor per extremum inferius exitum quærit, proportionalis est suæ intra Tubum altitudini. Quod erat demonstrandum.

C O R O L. I.

Hinc clarè patet quod si è duobus Tubis æqualis inter se crassitie quislibet certam ejusdem Liquoris quantitatem contineat, vires quibus hi Liquores ad egressum tendent, in ratione altitudinum Tuborum inter se erunt, & consequenter si altitudines æquales sint, vires eorum ad exeundum æquales quoque erunt.

C O R O L.



Hinc etiam liquet quod si duo Tubi æqualis inter se crassitie, & perpendiculares Horizonti, tertio apponantur ejusdem crassitie & parallelo Horizonti, cujus ope alius cum alio communicetur: Liquor in alterutro effusus, in alium permeabit, & in utroque æqualem obtinebit altitudinem. Ex. Ca. Tubi duo AB, CD, æqualis inter se crassitie, & perpendiculares Horizonti, apponantur, tertio Tubo BD crassitie æqualis & parallelo Horizonti, cujus ope inter se communicent. Si diffundatur aqua, aut quilibet alius Liquor, intra Tubum A, in alterum permeabit, & in ambobus ejusdem erit altitudinis, ita ut, cum in uno erit altitudinis BE, in altero erit altitudinis DF. Nam perspicuum est quod si Liquor in uno, ut in AB, majorem quam in altero obtineret altitudinem, vim quoque descendendi & impellendi à B versus D, Liquorem in Tubo Horizontali contentum, majorem haberet, quam Liquor Tubi CD ad repellendum Liquorem Tubi Horizontalis à D versus B; ideoque pars liquoris qui majorem vim haberet, descenderet, & alium ascendere cogeret, donec ambæ in utroque Tubo æqualis essent altitudinis.

## P R O P. XXX.

*Si Liquor gravis æqualis sit altitudinis duobus in Tubis Horizonti perpendicularibus, & inæqualis crassitie, vis quâ exitum quæret per foramen inferius Tubi crassioris, erit ad vim quâ ad exeundum tendet per foramen inferius exilioris, ut Basis Tubi crassioris ad Basim Tubi exilioris.*

**S**int AB & CD duo Tubi perpendiculares Horizonti; & AB crassior sit CD; & intra hosce Tubos infundatur idem Liquor ad æquales altitudines BE, DF. Dico, vim quâ Liquor intra Tubum AB contentus per foramen B ad exeundum

tendit, esse ad vim quâ Liquor intra Tubum CD contentus per foramen D egredi conatur, ut superficies Basis Tubi AB, est ad superficiem Basis Tubi CD.

Nam manifestum est vim quâ Liquor contentus in Tubo AB tendit ad exeundum esse ad vim quâ Liquor in alio Tubo CD contentus egredi nititur, ut gravitas unius ad alterius gravitatem. Atqui gravitas unius est ad gravitatem alterius, ut quantitas unius ad quantitatem alterius. Et quantitas unius est ad quantitatem alterius ut superficies Basis Tubi intra quem unus continetur, est ad superficiem Basis Tubi alterius. Itaque vis quâ Liquor unius Tubi ad exitum fertur, est ad vim quâ Liquor alterius exire conatur, ut superficies Basis unius, ad superficiem Basis alterius; Quod erat demonstrandum.

#### C O R O L L A R I U M.

Inde clarè patet quod si Tubi duo perpendiculares Horizonti inæqualis sint crassitie, & altitudines Liquoris quem continent etiam inæquales, vis quâ Liquor in alterutro contentus ad exeundum tendit, erit ad vim quâ Liquor in altero contentus exire quoque nititur, in ratione compositâ rationis superficiei Basis unius ad superficiem Basis alterius, & rationis altitudinis Liquoris contenti in uno ad altitudinem illius qui in altero continetur. Ita, si Diameter alterutrius Tubi duplus foret Diametro alterius, ideòque superficies Basis unius quadrupla superficies Basis alterius; & si altitudo Liquoris in priori Tubo contenti tripla esset altitudine Liquoris qui in alio continetur: Vis quâ Liquor è priori Tubo ad exitum tenderet, esset ad vim quâ è posteriori egredi niteretur, in ratione composita Quadruplæ & Triplæ, hoc est, in ratione 12. ad 1.

#### P R O P. XXXI.

*Si Tubus æqualis crassitie, & inclinatus ad Horizontem, impleatur Liqueore gravi; gravitas absoluta Liquoris*

*Liquoris erit ad gravitatem suam relativam hoc est, ad vim quâ per foramen inferius Tubi ad exeundum tendet, ut Longitudo hujus Tubi est ad altitudinem suam perpendicularem.*

**E**STO Tubus AB æqualis crassitie, & inclinatus ad Horizontem BC. Impleatur Tubus iste Liquore gravi quæ ad exitum per foramen inferius B feratur. Dico gravitatem absolutam hujusce Liquoris esse ad gravitatem relativam, hoc est, ad vim quâ per foramen B egredi nititur, ut AB ad AD. Fig. 65.

Cum enim Liquorum particule admodum Lubricæ sint, moveanturque facillimè aliæ in alias, considerari possunt tanquam Sphæricæ quamvis hæc figura prædicta non sint. Itaque particule omnes Liquoris in Tubo AB contenti, tum, quæ se se mutuo sustinent, tum quæ alias impellunt secundum Longitudinem Tubi, descendere nituntur; non secus ac Sphærica Corpora 6 Scholii, 23 Prop. Ideoque ratio gravitatis absolutæ omnis Liquoris in Tubo AB contenti, ad vim particularem quâ totus hic Liquor exire conatur per foramen B, eadem esse debet ac ratio gravitatis absolutæ seriei Globorum \* se se consequentium supra Planum inclinatum, ad \* Prop. 23.  
Schol. 6. vim particularem quâ simul descendere nituntur supra Planum. Atqui ostensum fuit gravitatem absolutam seriei Globorum esse ad gravitatem relativam quâ simul deorsum nituntur, ut AB ad AD: Ergo gravitas absoluta omnium particularum Liquoris Tubum AB implentis, est ad vim quâ omnes simul ad exitum feruntur per foramen B, ut AB est ad AD, hoc est ut Longitudo Tubi ad altitudinem suam perpendicularem: Quod erat demonstrandum.

#### SCHOLIUM.

Hic notandum est quod, licet Tubus inclinatus

& æqualis crassitie tantum partim impleatur, semper eadem esset ratio gravitatis absolutæ Liquoris in ipso contenti, ad vim particularem quâ Liquor iste ad exitum per foramen inferius fertur, ac Longitudinis suæ ad altitudinem suam perpendicularem.

Itaque, pars BE Tubi AB Liquore tantum impleatur, ratio gravitatis absolutæ

*Fig. 66.* Liquoris ad vim particularem quâ ad exeundum per foramen B nititur eadem erit ac ratio Longitudinis Tubi AB ad altitudinem suam perpendicularem AD; pars enim Tubi AE, quæ vacua est considerari haud debet, & idem est ac si Tubus tantum esset Longitudinis BE. Atqui, modo ostensum est eandem esse rationem gravitatis absolutæ Liquoris EB, ad vim particularem quâ per foramen B ad exitum fertur, quàm Longitudinis BE ad altitudinem perpendicularem EF; sed quoniam Triangula EBF & ABD similia sunt cum Rectangula sunt, & Angulum communem B habent, sequitur rationem BE ad EF esse eandem ac AB ad AD. Ideoque eadem est ratio gravitatis Liquoris BE, ad vim particularem quâ per foramen B exire conatur, ac Longitudinis Tubi AB ad altitudinem suam perpendicularem AD.

#### C O R O L L A R I U M

Hinc sequitur vim quâ Liquor egredi nititur per extremum inferius Tubi æqualis crassitie & inclinati ad Horizontem, æqualem esse vi quâ similis Liquor ad exeundum fertur ex alio Tubo ejusdem crassitie, perpendicularique Horizonti, & intra quem Liquor æquè altus est ac in Tubo inclinato,

*Fig. 67.* Ve. gr. Sint Tubi AB, CD æqualis crassitie & AB inclinatur ad Horizontem FE, & CD ei sit perpendicularis, extremitatesque Tuborum inferiora sint in Linea FE, & Liquor æqualem altitudinem obtineat in utrisque, hoc est, ad Lineam Horizontalem GH usque perveniat:



veniat: Dico vim quâ Liquor BH per foramen B exire tendet æquaturam vi quâ Liquor DG per foramen D egredi nitetur.

Nam si ducatur Linea HI perpendicularis Horizonti colligetur Scholio suprâ notato, Vim quâ Liquor BH exire nititur per foramen B esse ad gravitatem absolutam ejusdem Liquoris, hoc est, ad vim quâ egredi conaretur, si Tubus AB perpendicularis esset Horizonti, ut HI, aut æqualis DG, ad BH. Sed, per 1 Coroll. 29 Prop. Vis quâ Liquor DG per per foramen D ad exitum tendit est etiam ad vim quâ Liquor BH ad egressum tenderet ex Tubo AB, posito perpendiculari Horizonti, ut DG ad BH. Ideoque vis quâ Liquor BH per foramen B Tubi inclinati AB exire nititur, est ad vim quâ idem Liquor per idem foramen deorsum tenderet, si Tubus perpendicularis esset Horizonti, ut vis quâ Liquor DG ex Tubo CD ad exitum fertur, est ad eandem vim exeundi ex Tubo AB quam Liquor BH haberet, si perpendicularis esset Horizonti. Itaque, cum vires istæ duæ eandem rationem habeant ad tertiam; sequitur inter se æquales esse; hoc est, vim quâ Liquor BH ad exitum per foramen B Tubi inclinati AB fertur, æqualem esse vi quâ Liquor DG per foramen D exire nititur.

C O R O L. 2.

Inde elicere est quod si plures Tubi æqualis crassitiei, & diversimodè ad Horizontem inclinati, impleantur Liquore eodem, qui *Fig. 67.* sit in omnibus ad eandem altitudinem, Liquor iste non majori vi nitetur exire ab uno quàm ab alio. Igitur, si Tubus LM sit ejusdem crassitiei ac Tubus AB, sed aliter inclinatus, impletusque eodem Liquore, qui ejusdem sit altitudinis: Vis quâ hic Liquor ex Tubo LM exire tendet æqualis erit vi quâ ex Tubo AB exire nititur; nam quæ-



libet harum virium æquatur ei quâ similis Liquor ad exeundum ex Tubo perpendiculari CD tenderet.

## C O R O L. 3.

Tandem colligitur altitudine Liquoris in alterutro Tubo altiori positâ, vim qua alteruter ad exeundum fertur ex Tubo ubi altior esset, majorem esse eâ quâ ex alio ad exitum tendit. Cum perspicuum sit paulò plus Liquoris ac per consequens gravitatis in hoc Tubo quam in alio esse.

## P R O P. XXXII.

*Si Syphon, cujus pedes æqualis sunt crassitie, invertatur, Liquor in ipso contentus ad Libellam erit, vel se ita disponet.*

**Fig. 68.** **E** S T O Syphon ABC, cujus pedes AB, BC æqualis sint crassitie, & inverso, uti in hac figura videtur, Liquor infundatur. Dico Liquorem ad libellam sese dispositurum in ambobus pedibus: hoc est Puncta D & E, ubi terminatur, fore in Linea DE parallela Horizonti.

Nam Syphon ABC non differt a duobus Tubis æqualis crassitie, in Puncto B conjunctis impletisque Liquore gravi æqualis altitudinis. Unde sequitur Liquorem unius nec magis nec minus deorsum tendere quam alterius, seque mutuò æqualiter impellere nec tamen vincere posse. Si autem Liquor in alterutro pede altior esset, ibi majorem vim descendendi haberet, per 3 Coroll. præced. Prop. Unde sequeretur ab illa parte descensurum & in alium permeaturum, donec ad libellam in utroque disponderetur. Tunc igitur, Liquor totus horizontaliter & in æquilibrio foret, cum vires descendendi in utroque æquales essent. Ideoque si Syphon cujus pedes æquales sunt crassitie, invertatur, Liquor intra ipsum contentus ad libellam erit aut se ita disponet; Quod erat demonstrandum.

S C H O.

## S C H O L I U M

Quamvis alter Siphonis pes contortus esset, Liquor tamen gravis in ipso contentus, se ad situm Horizontalem disponderet; cum manifestum sit Tubum variorum flexuum, utique æquivalere Plano ad diversa latera inclinato.

## P R O P. XXXIII.

*Si Tubus, cujus alterum extremum altero crassius est, perpendicularis sit Horizonti, Liquor gravis in ipso contentus neque majori neque minori vi per foramen inferius exire conabitur, quàm si tota ejus crassities inferioris partis crassitie æquaretur.*

**E**STO primum Tubus ABCD perpendicularis Horizonti & crassior superiori quam inferiori extremo. Dico, Liquorem in ipso contentum eadem vi per foramen inferius BC, ad exitum tendere, ac si tota ejus crassities æquaretur crassitie BC. Fig. 69.

Si enim per B & C ducantur rectæ BE, CF perpendiculares Horizonti, & consequenter inter se parallelæ, clarè patet columnam Liquoris inter hæc Lineas comprehensam utique ponderari supra foramen BC; sed quoque patet omnia filamenta ad Columnæ latera supra hoc foramen non ponderari, sed tantum in superficiem inferiorem Tubi; unde sequitur ac neutiquam ponderosa considerari debere. Ideoque totus Liquor gravis in Tubo ABCD contentus, neque plus neque minus gravitat, quàm si Tubus ubique ut inferius extremum crassus esset.

Esto 2. Tubus ABCD perpendicularis Horizonti, sed in inferiori extremo crassior quam in superiori. Dico, Liquorem ponderosum in ipso contentum neque majori neque minori vi deorsum ferri, quàm si tota Tubi crassities inferiori parti æqualis esset. Fig. 70.

Ut hæc veritas, aliquid duri & sensui communi  
adverfi

adversi statim præ se ferens, clarè pateat, primùm concipiatur Planum inferiori aperturæ appositum, quod exitui Liquoris obftet. Deinde per Puncta A & D ducantur rectæ AE, DF, perpendiculares Horizonti. Hæ Lineæ signabunt in superficie BC Puncta E & F, ubi terminatur Diameter Columnæ Liquoris Horizonti perpendicularis, cujus crassities æquabitur foramini AD, quæ Columna, ut facile videre est, toto pondere suo premet partem EF superficiiei BC, huic eidem foramini AD æqualem. Deinde notandum quod, dum Columna AEFD gravitat in partem EF, pars quædam, ut MEF, tanquam fulcrum vim Columnæ incurvat versus LM, deflectitque ad premendam partem GE, superficiiei BC æqualis EF. Atqui vis Liquoris inter ALG, & DME à vi Liquoris intra Tubum inclinatum contenti neutiquam differt. Igitur, per 1 Coroll. 31 Prop. Liquor iste inter ALG & DME comprehensus, neque plus neque minus premit partem GE quam premebat partem EF. Dein, intellectu facile est quamlibet partem superficiiei BC æqualem EF, eodem modo premi Columnâ incurvatâ Liquoris. Sed hoc utique fieret, si Tubus ubique esset crassitiei æqualis aperturæ BC. Unde sequitur quod, licet Tubus ABCD inferiore parte amplior sit superiore, Liquor gravis quo impletur, ad exitum per inferius extremum fertur eadem vi, ac si ubique ejusdem esset crassitiei, quâ versus inferius extremum præditus est.

## C O R O L. I.

Miranda inde consequentia deducitur, nimirum quod si Dolium aquâ refertum suprâ alterutrum fundum erigatur, & foramini cuidam fundi superioris apponatur Tubus multoties altitudinem Doli superans, quamvis tam exilis esset, ut minima aquæ quantitas illum impleret: Hæc parvula quantitas causa esset cur fundus inferior tantâ quantitate onera-

oneraretur quantâ prius onerabatur. Ve. gr. Si Dolium 560 aquæ Libras contineret, & foramini superioris fundi apponeretur, Tubus altitudinem Dolii centies occupans, & adeo parvus aut exilis ut Aquæ Pondo illum impleret: Hoc Pondo conjunctum cum 560 aliis agens, causa esset cur fundus inferior oneraretur gravitate 56560 Pondo. Nam Tubi & Dolii compages non differt à Tubo cujus infima pars superiore multò crassior est.

## C O R O L L. 2.

Hæc iterum consequentia inde elicitur nimirum quod si Canaliculus, vasi ita constructo, ut cavitas ejus, mutatâ figurâ, multò major fieri possit adhæreat: Rivulus Liquoris per ipsum intra cavitatem vasis defluens, ejus figuram ita mutabit, ut omnium maximam quas accipere potest assumat. Idque fiet eâ vi quâ fieret alterâ quantitate ejusdem Liquoris, qui Canalem cujus crassities, vasis maximæ cavitatis æqualis impleret, quique tam celeriter ac Rivulus decurreret. Ve. gr. Si Canaliculus AB adhæreat vasi ABCDE, quod ita constructum est, ut cavitas sua multò major fieri possit, deferendo scilicet figuram suam, quæ admodum oblonga est, ad assumendum figuram Rectanguli BCFG: Rivulus Liquoris quâdam vi per Canaliculum AB intra cavitatem BCDE decurrens vasis figuram ita mutabit, ut omnium maximam BCFG vas accipiat idque eâ vi quâ eundem effectum produceret Columna ejusdem Liquoris, & ejusdem celeritatis, crassitieque cavitatis maximæ quâ vas prædictum esse potest, videlicet figuræ BCFG.

## P R O P. XXXIV.

*Si Siphon inversus pedes inæquales habeat, Liquor gravis in ipso contentus ad libellam sese disponet.*

Fig. 72. **E** S T O Siphon ABC, cujus pes alter nempe AB alio crassior, Dico, Liquor



Liquorem effusum per foramen Anapylionis pedis, donec pervenerit usque ad D, intra alium pedem BC ad libellam se se accommodaturum, hoc est, ad Punctum E, in Linea DE Horizonti parallelâ positum, ascensurum esse, sive pedes ambobus inclinari sint ad Horizontem, sive alteruter sit ei perpendicularis.

Nam quæcunque sit inæqualitas Tuborum, ostensum fuit in Prop. præc. Liquorem in ipsis contentum neque majori neque minori vi per foramen inferius exire posse quam si crassities Tuborum ubique æqualis esset inferiori parti. Quare quæcunque sit inæqualitas Siphonis pedum, cum hi pedes nihil aliud sint quam Tubi æqualis crassities ad extremum inferius, ubi aperturam communem habent, Siphones quorum pedes sunt inæqualis crassities considerari debent tanquam æqualis crassities; ideoque Liquor gravis in iis contentus in utroque ad libellam disponi debet. Atqui demonstratum fuit in 32 Prop. Liquorem gravem in Siphone pedum inæqualis crassities, ad libellam accommodari debere. Ergo eodem modo hoc est horizontaliter in iis quorum pedes inæqualis sunt crassities esse debet; Quod erat demonstrandum.














#### SCHOLIUM













Neque cogitandum est ea quæ modò demonstrata sunt experienciis quas ab aliquot annis fecimus repugnare; quibus ostendimus aquam, in Siphone vitreo, cujus pes alter satis magnus est, alter vero adeò exilis ut Rivulus aquæ Liquoris vix ingredi possit, se ad libellam non accommodaturam, sed magis ascensuram intra pedem exiliorem quam intra alterum: Nam, quæ hîc demonstravimus gravitatem tantum in Liquore & dividendi facilitatem supponunt, cum hæc inæqualitas ascensus (à nemine huc usque animadversa) à motu partium Liquoris pendeat, ut demonstratum est in primâ parte Tractatus nostri Physici, Cap. 22. Art. 85.

F I N I S.



Fig






Fig


1




2



3




4




6


7




8




10



11




12




G


13



14



15



16

